


ՎԼԱԳԻՄԻՐ ԲԱՐԽՈՒԴԱՐՅԱՆ



*Институтъ Императорскаго Восточнаго
 училища въ Москвѣ* *Ինստիտուտի Հայոց Քննարանը Արևելյան
 ինքն ունի քննարանը*
Institut Lazareff des langues Orientales à Moscou

**ՀԱՄԱՌՈՏ ՈՒՐՎԱԳԻԾ ՌՈՒՍԱԿԱՆ
 ԿԱՅՄՐՈՒԹՅԱՆ ՀԱՅԿԱԿԱՆ
 ԳՊՐՈՅՆԵՐԻ ՊԱՏՄՈՒԹՅԱՆ**



ԿՐԿՆՕՐԻՆՆԿ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

Վլադիմիր Բարխուդարյան

4911344

ՀԱՄԱՌՈՏ ՈՒՐՎԱԳԻԾ ՌՈՒՄԱԿԱՆ ԿԱՅՍՐՈՒԹՅԱՆ
ՀԱՅԿԱԿԱՆ ԴՊՐՈՑՆԵՐԻ ՊԱՏՄՈՒԹՅԱՆ
/18-րդ ԴԱՐԻ ՎԵՐՋ - 20-րդ ԴԱՐԻ ՍԿԻԶԲ/

Իրենի ընկերացի
ստեղծելիս, առնչվելով
բացի չստեղծվածի:

[Handwritten signature]

ՄԵՏՐՈՊ ԱՐՔ. ԱՇԵՆԱՆ

ARCH. MESROB ASHJIAN

ՍԱՏԵՆԱՇՈՐ

BOOK SERIES

13

[Handwritten signature]

13

7.12.06թ

ԵՐԵՎԱՆ 2006



ՀՏԴ 941 (479.25) : 37 (091)

ԳՄԴ 63.3 (2Հ) + 74.03

Բ 358

Բարխուդարյան Վ.

Համառոտ ուրվագիծ Ռուսական կայսրության հայկական

Բ358 դպրոցների պատմության (18-րդ դարի վերջ 20-րդ դարի սկիզբ) .- Եր.: ՀՀ ԳԱԱ Պատմ. ինստ հրատ., 2006.- 69 էջ:

Գրքույկը նվիրված է Ռուսական կայսրության տարբեր վայրերում ու քաղաքներում ձևավորված հայկական գաղութների ուսումնակրթական, առավելապես դպրոցական կյանքի ուսումնասիրությանը: Լուսաբանվում են ռուսական միջավայրի ազդեցությամբ հայկական շրջաններում տարվող ուսումնական գործընթացի բնորոշ կողմերն ու յուրահատկությունները:

Աշխատանքը նախատեսվում է մանկավարժների, պատմաբանների, ուսանողների և ընթերցող լայն շրջանների համար:

ISBN 99941-969-7-9

ԳՄԴ 63. 3 (2Հ) + 74.03

ՀՀ ԳԱԱ Պատմ. ինստ., 2006թ.

Երկու խոսք

Հյուսիսային կայսրության Ռուսաստանի տարածքում Հայերի բնակութուն հաստատելը, հայկական համայնքներ կամ զաղութներ հիմնելը կապված էր հայ-ռուսական հարաբերությունների աշխուժացման հետ: Հատկապես 18-րդ դարի երկրորդ կեսին Եկատերինա 2-րդ կայսրուհին /1762-1796/ որդեգրեց Պետրոս Մեծի երկրի հարավային սահմաններն ընդարձակելու, դեպի արևելյան շուկաները դուրս գալու քաղաքականությունը: Նա հարավային Կովկասի ժողովուրդներին հայերին և վրացիներին համակիր էր տեսնում պետության ռազմաքաղաքական այդ ծրագրերը իրականացնելու խընդրում:

Հայ ժողովուրդը դարեր շարունակ գտնվելով Թուրքիայի և Պարսկաստանի տիրապետության տակ ենթարկվում էր տնտեսական և ազգային -դավանական դաժան ճնշումների: Նա համառորեն ելք էր որոնում ստեղծված ծանր ու մռայլ իրավիճակից դուրս գալու: Եվ քանի որ սևփական ուժերով չէր կարող թոթափել օտարի լուծը, երկրի ազատագրումը պայմանավորում էր դրսի պետությունների աջակցության հետ: Երկար դեգերումներից հետո հայ ազատագրական միտքը Հայաստանի ազատագրումը կապում էր Ռուսաստանի աջակցության հետ: 18-րդ դարը դարձավ ռուսական կողմնորոշման վերջնական ձևավորման պատմափուլ:

Մյուս կողմից ռուսական պետությունը ծով դուրս գալու, Հարավային Կովկասում հաստատվելու համար ձգտում էր երկրի հարավի գրեթե անմարդաբնակ տափաստանները բնակեցնել, տնտեսապես յուրացնել և հինարան ստեղծել հետագա առաջընթացի համար: Այդ նպատակով նա արտոնություններ էր տալիս այդ տարածքներում բնակվող առաջին հերթին առևտրատնտեսական կյանքում հմուտ ժողովուրդներին: Դրանից մեծապես օգտվեցին հայերը:

Ուրիշ խոսքով, արևելյան բռնատիրական պետություններին ծանր տիրապետությունից ազատագրվելու հայ ժողովրդի ձգտումները համընկնում էին դեպի հարավ-արևելք ծավալվող Ռուսաստանի ռազմաքաղաքական ծրագրերին: Դրանք համահունչ էին: Ստեղծված բարենպաստ պայմաններում Ռուսաստանում, մանավանդ երկրի հարավային շրջաններում սկսեցին բնակություն հաստատել հայերը, որոնք ստացան առևտրատնտեսական և իրավաքաղաքական որոշակի առանձնաշնորհումներ: Հողային լայն տարածքներ տրամադրելուց, առևտուր կատարելու, տնտեսական ազատ գործունեություն ծավալելու լայն իրավասություն վերապահելուց դատ նրանց տրվեց նաև դավանանքի ազատություն, ազգային լեզվով դպրոցներ հիմնելու, գործավարություն կատարելու լայն իրավունքներ:

Օգտվելով ընձեռած հնարավորություններից կարճ ժամանակում հայկական զանգվածները առևտրատնտեսական ասպարեզում հաջողությունների հասան և միջոցների տեր դարձան: Կյանքի բարեկեցիկ պայմանները հնարավորություն էին ընձեռում ուշագրության կենտրոնում պահել և ամեն կերպ խթանել ուսումնակրթական գործը: Մանավանդ, եթե նկատի ենք առնում այն հանդամանքն, որ ուսման նկատմամբ մեծ հակում ու ձգտում ունենալը մշտապես հատուկ է եղել հայ ժողովրդին:

Ուրվագծային սույն աշխատանքը ժամանակագրական առումով ընդգրկում է նոր շրջանը՝ 18-րդ դարի վերջերից մինչև և առաջին աշխարհամարտի տարիները: Ուրիշ խոսքով, փաստորեն առաստաջ գաղթավայրերի ուսումնական ամբողջ գործընթացը, քանի որ հոկտեմբերյան հեղափոխությունից հետո վերջացան գաղութները, նրանց հետ մարեցին նաև կրթական օջախները: Գրքույկում ընդգրկված է, առանձին ուսումնասիրություն կատարելու միտումով բաց է թողնված ռուսական կայսրության մի հատվածի Հայաստանի և ամբողջ հարավային Կովկասի դպրոցների պատմությունը:

Աշխատանքը կատարվել է Գերմանիայի Հալլե-Վիտենբերգ համալսարանում հիմնված «Մեսրոպ» հայագիտական

կենտրոնի /ղեկավար՝ պրոֆ. Հերման Գոլց, գիտաշխատող
Խաչիկ Ղազարյան/ հետ համագործակցելով ու նրա պատվե-
րով: Ինչպես դժվար է նկատել, գրքույկում մեծապես օգտա-
գործվել է Հայաստանի Հանրապետութան ազգային արխիվի
տարրեր ֆոնդերում պահվող նյութերը, որոնց հայտնաբեր-
ման և մեզ տրամադրելու համար շնորհակալություն ենք
հայտնում արխիվային գործի հմուտ մասնագետներ պատմ.
գիտ. թեկնածու Ս.Միրզոյանին և Գ.Ավագյանին:

Համառոտ ուրվագիծ Ռուսական կայսրության
հայկական գաղութների պատմության
(18-րդ դ. վերջ – 20-րդ դ. սկիզբ)

Ռուսական կայսրության սահմաններում հայկական ուսումնական հաստատությունների առաջացումը պայմանավորված է մի շարք հանդամանքներով: Այն, բնականաբար սկզբնավորվում է այնտեղ հայ զանգվածների բնակչություն հաստատելու, հայկական գաղութների առաջացման հետ: Ի տարբերություն աշխարհի տարբեր երկրներում ձևավորված հայկական գաղութների, որոնց առաջացումը տեղի է ունեցել պատմական տարբեր ժամանակաշրջաններում և միանգամայն տարբեր զրգրապատճառներով, Ռուսաստանի պարագայում դրությունը այլ էր:

Ռուսաստանի հայկական գաղութները առաջացան միջնադարից նոր շրջան, բուրժուական հարաբերությունների անցնելու պատմափուլում, 17-18-րդ դարերում: Ռուրիչ խոսքով դրանց հիմնադրումը տեղի ունեցավ լուսավորական շարժման ժամանակաշրջանում: Մի շարժում, որը տարբեր ուղիներով թափանցում էր հայ իրականության: Հայագրի առաջադեմ գործիչները լուսավորություն տարածելու, կրթության մեջ էին տեսնում հայ ժողովրդի գոյատևման ու առաջընթացի ուղին: Նրանք լավագույնս գիտակցում էին, որ ազգը միավորել, նրա մեջ միասնական գաղափարախոսություն տարածելը անհնարին է առանց ժողովրդին լուսավորելու, առանց նրան խավարի ու սզիտություն միջավայրից հանելու: Առանց ազգային կրթության ու ազգային ոգով դաստիարակություն չէր ձևավորվի ազգային ինքնագիտակցություն:

Ահա թե ինչու ուսուցումը դիտում էին ժողովրդին խավարի ճիրաններից հանող, ինքնաճանաչման բերող հիմնական գործոն: Մոսկվայում, Պետերբուրգում և Եվրոպայի քաղաքներում կրթություն ստացած, ուսական դեմոկրատական առաջավոր շրջանների հետ հարաբերվող հայ գործիչները /Խ.Աբովյան, Մ.Նալբանդյան, Ստ.Նազարյան, Ն. Աշտարակեցի և շատ ուրիշներ/ քարոզում էին ուսումնական հաստա-

տուժյուններ հիմնելու, ժողովրդին լուսավորելու գաղափարը և գործնական քայլեր կատարում այդ ուղղութեամբ:

Ռուսաստանում հայկական գանգվածների բնակուլթյուն հաստատելը, հայկական գաղութների առաջացումը կապվում է հյուսիսային հզոր կայսրութեան միջոցով թուրք-պարսկական ծանր լուծը թոթափելու հայ ժողովրդի ազատագրական շարժման հետ: Իսկ հայ ժողովրդի ազատագրական մաքառումները համընկնում էին ուսսական պետութեան Սև ծով գուրս գալու, Անդրկովկասում հաստատուիլու և արևելյան շուկաներին տիրելու ռազմաքաղաքական ծրագրերին: Այդ ծրագրերը իրականացնելու խնդրում ուսսական արքունիքը օտարի տիրապետութեանից ազատագրուիլու ձգտող հայերին և վրացիներին իրեն համակիր էր տեսնում և հովանավորող քաղաքականութեան տանում նրանց նկատմամբ:

Տակավին Պետրոս Մեծը արտոնութեաններ էր տվել կայսրութեան հարավային սահմաններում բնակուլթյուն հաստատող հայերին: Եկատերինա 2-րդ կայսրուհին /1764, 1779 թթ./, Պավել 1-ը /1797, 1799/ և Ալեքսանդր 1-ը /1801 թ./ կայսերական հրովարտակներով Ռուսաստանում բնակուլթյուն հաստատող հայ գանգվածներին փերապահում էին բավականին լայն առանձնաշնորհումներ:

Օգտուիլով պետութեան ընձեռած հնարավորութեաններից հայերը գաղթում և բնակուլթյուն են հաստատում ուսսական կայսրութեանում: Առաջին հայկական գաղութները ձեւավորուեցին Մոսկվայում և Աստրախանում: Հայերը տակավին 15-16-րդ դարերից առևտրական կապեր ունեին ուսսական մայրաքաղաքի հետ և աստիճանաբար սկսեցին այնտեղ բնակուլթյուն հաստատել: Կասպից ծով-վոլգյան ուղիով մետաքսի առևտրի շնորհիվ, որում ծանրակշիռ դեր ունեին հայերը, Աստրախանի հայ բնակչութեանը ստվարացավ: Այս երկու քաղաքներում ավելի շուտ, 17-րդ դարի երկրորդ կեսին ձևավորուեցին հայկական գաղութներ, սակայն դրանց զարգացումը կատարուեց հետագա շրջանում:

Ռուսական նոր մայրաքաղաքի՝ Պետերբուրգի հիմնադրումից /1703 թ./ անմիջապէս հետո հայերը հաստատուեցին

այնտեղ և ընդամենը մի քանի տասնամյակ անց այստեղ ձևավորվեց Հայ Համայնքը¹:

Միջին Ասիան 19-րդ դարի երկրորդ կեսին միացվեց Ռուսաստանին: 1867թ. կազմվեց թուրքեստանյան ղեներալ-նահանգապետութունը, որը շուտով վերածվեց թուրքեստանյան երկրամասի: 1869թ. ռուսական կովկասյան բանակի զորքերը կասպից ծովի արևելյան ափին Հիմնեցին Կրասնովոդսկ քաղաքը: Ապա սկսվեց առաջխաղացումը դեպի երկրամասի արևելյան շրջանները և Հիմնվեցին Կզըլ-Արվաթ, Աշխաբադ, Մերվ, և այլ հենակետային քաղաքներ: Միջին Ասիայում Հայերը իրենց Համայնքներն էին ստեղծել Աշխաբադում, Կրասնովոդսկում, Կզըլ-Արվաթում, Մերվում, Տաշքենդում, Սամարղանդում ինչպես նաև այլ քաղաքներում²:

Ռուսաստանի տարածքում հիմնված Հայկական դադութներին վերապահվեց ոչ միայն առևտրատնտեսական կյանքը զարգացնելու առանձնաշնորհումներ այլ նաև սեփական դավանանքն ու ազգային լեզուն պահպանելու արտոնություններ: Նշանակում է պետութայն ընձեռած հնարավորությունները նպաստավոր հող էր պատրաստում ուսումնական օջախներ հիմնելու, լուսավորություն տարածելու Համար:

Հայկական դադութավայրերի պատմության ուսումնասիրությունը բացահայտել է այն իրողությունը, որ դադութների առաջացումն ամենուր կատարվել է երկու հիմքի վրա: Գաղթող Հայ զանգվածը նոր բնակավայրում մտահոգվում և առաջին հերթին հիմնում է եկեղեցի և ուսումնարան, սեփական Հավատն ու լեզուն, ազգային ինքնության հիմնական գործոնները պահպանելու Համար:

Հետևաբար ռուսահայ դադութների առաջացումից շատ չանցած այստեղ սկզբնավորվեց նաև ուսումնական գործը: Անտարակույս Ռուսաստանում ուսումնակրթական գործու-

¹ Տե՛ս Հայ ժողովրդի պատմություն, հ. 5, Երևան, 1974:

² А.А.Григорян, Армяне в средней Азии, Ереван, 1984, стр. 7-32.

նևություն ծափալելու մեջ կական նշանակություն ուներ նաև հայ ժողովրդի ուսման նկատմամբ ունեցած սերն ու առանձնահատուկ վերաբերմունքն, որը հատուկ էր նրան և գալիս էր դարերի խորքից:

Ռուսական կայսրությունում Պետրոս 1-ի օեֆորմներով զգալիորեն բարելավվում է կրթության ասպարեզը: Պետական, աշխարհիկ դպրոցների հիմքերն են դրվում, ուր ուժեղանում է բնագիտական — մաթեմատիկական գիտելիքների ուսուցման ուղղությունը:

Կրթության համակարգը բարելավվելու գործում էական էր 1804թ. ընդունված «Համալսարաններին ենթակա ուսումնական հաստատությունների կանոնադրությունը»: Դրա համաձայն մտցվեցին ուսումնական հաստատությունների նոր համակարգ՝ ա - ծխական դպրոցներ, բ - գավառական ուսումնարաններ, գ - գիմնազիաներ և դ - Համալսարաններ:

Ուսումնական գործընթացը խիստ կենտրոնացված բնութք ստացավ: Բոլոր ծխական դպրոցները ենթարկվում էին գավառական ուսումնարանի տեսչին, որն իր հերթին ենթակա էր գիմնազիայի ղերեկտորին, սա էլ համալսարանի տնօրենին, վերջինս էլ ուսումնական օկրուգի հոգաբարձուին:

Ծխական դպրոցներն ունեին ուսման 1 տարվա, գավառականը՝ 3, գիմնազիաները 7 տարվա տևողություն: Բոլոր դպրոցներում ուսումը հայտարարված էր ձրի:

1804թ. կանոնադրությունը կրում էր ժամանակի արեմտանկյրոպական մանկավարժական առաջավոր մտքի ազդեցությունն և անշուշտ դրական նշանակություն ունեցավ ժողովրդական կրթության ասպարեզում: Մերժվում էր միջնադարյան դպրոցին հատուկ դասայնությունը, ուսումը ձրի էր, պահպանվում էր տարբեր աստիճանի դպրոցների ուսումնական ծրագրերի հաջորդականությունը և այլն¹:

1811թ. Կրոնի դասավանդումը վերականգնվում է բոլոր ուսումնական հաստատություններում:

¹ Տես Ս.Յ.Սանթրոսյան, Արևելահայ դպրոցը XIXդ. առաջին կեսին, Երևան, 1969, էջ 24-29:

1828թ. Նիկոլայ 1 — ին կայսրի կողմից կյանքի կոչված ուսումնական նոր կանոնադրությունը Հետադիմական որոշ փոփոխություններ է մտցնում 1804թ. կանոնադրության մեջ: Վերացվում է ուսումնական գործընթացի հաջորդականությունը, ծրագրերի շարունակականությունը: Ուսումնական ամեն մի աստիճան ստանում է պարփակված, ավարտուն բնույթ: Փաստորեն մտցվում է դասային խտրականության սկզբունքը: Հասարակության ատորին խավերն ուղղվում են դեպի տարրական կրթությունը՝ ծխական և դավառային դպրոցները, իսկ բարձր խավերն՝ միջնակարգ և բարձրագույն կրթությունը:

Ռուսական կայսրությունում հայկական դպրոցները, մանավանդ մինչև Արևելյան Հայաստանը Ռուսատանին միացնելը, գտնվում էին երկակի դրության մեջ: Մի կողմից ենթարկվում էին պետության կողմից մշակված ուսումնական համակարգին, մյուս կողմից, քանի որ ռուսահայ թեմի միջոցով ենթակա էին հոգևոր իշխանությանը՝ էջմիածնի Մայր Աթոռի գերակայությանը, հետևում էին եկեղեցու մշակած ուսումնական գործընթացին:

Արևելահայ իրականության մեջ գերազանցապես եկեղեցու հովանու տակ գտնվող ուսուցումն ուներ մշակված և գործնական կյանքում կիրառվող հատկապես եռաստիճան կարգը: Ծխական, հոգևոր և թեմական դպրոցներ:

Ծխական դպրոցները հատկապես սկզբնական շրջանում, 19-րդ դարի առաջին կեսում, Հետամնաց ձևերով հաճախ եկեղեցու անկիւրթ սպասավորների միջոցով գործող, տնայնագործական պարզունակ եղանակով կազմակերպված ուսումնարաններն էին: Այստեղ սովորեցնում էին գրաճանաչություն, թվաբանություն, կրոն: Դաստիարակության հիմնական միջոցը ծեծն էր, ուսուցման եղանակը՝ անգիր սերտելը: Չկար ուսումնական որևէ ձեռնարկ, գիտելիքների գնահատման որևէ չափանիշ: Արխիվներում պահպանվել են Հյուսիսային Կովկասի Ղզլար քաղաքի ծխական վարժարանի /1842թ./ աշակերտներին դասատուների կողմից տրված բնութագրումները: Ահա դրանք. «1. Ա.Տ. Մելիք — Պոպով — 17 տարեկան, պիտա-

նի է երգի և վայելչագրության մեջ, իսկ ընթերցման մեջ՝
բութ. վարքով միջակ է, ուսմամբ ծույլ է, 2. Ղորղանով — 22
տարեկան, վայելչագրության մեջ՝ լավ, երգեցողության մեջ՝
միջակ, ընթերցման մեջ միջակ վարքով համեստ, կյանքում
/կենոք/ հիվանդ, ուսման մեջ դանդաղ»¹:

Մխական դպրոցները պահպանվում էին եկեղեցական
արդյունքներով, սովորողների մուծումներով և ժողովրդի կա-
մավոր նվիրատվություններով²:

1860 - ական թվականներին ուսսական ամբողջ կայս-
րությունում կատարված բարեփոխումները, հասարակական —
քաղաքական վերելքը աշխուժություն մտցրեց նաև ուսում-
նակրթական մարզում: Ժամանակի ոգին թելադրում էր որո-
շակի քայլեր կատարել ուսումնական գործընթացում վերա-
փոխումներ կատարելու ուղղությամբ: Ընդհանուր բարե-
նրպատ մթնոլորտին լիցք հաղորդեց նաև հայ իրականութ-
յան մեջ կատարված մի իրողություն: 1866թ. Գևորգ արքե-
պիսկոպոսն ընտրվեց Ամենայն հայոց կաթողիկոս:

Նորընտիր կաթողիկոսը հայտնի էր որպես ուսումնասեր,
իր ողջ կյանքը կրթական գործին նվիրած անձնավորություն:
Նրա առաջին քայլերից մեկն է լինում դպրոցական գործի
կարգավորումը: Գահին նստելու հենց հաջորդ տարում կաթո-
ղիկոսը էջմիածնի միաբաններից կազմում է դպրոցական կա-
նոններ մշակող հանձնաժողով: Շուտով հրապարկվում է
ծխական դպրոցների կանոնադրությունը, որով հանձնարար-
վում էր քաղաքի և գյուղերի բոլոր եկեղեցիներին կից ունե-
նալ մեկական ծխական դպրոց, մեկ կամ երկու դասատունով:
էականն այն էր, որ այլ դպրոցները պետք է կառավարվեին
ժողովրդի կողմից ընտրված հոգաբարձուների միջոցով: Երեք
հոգուց բաղկացած հոգաբարձուներից մեկը լինելու էր տվյալ
եկեղեցու հոգևորականը, իսկ երկուսը աշխարհական: Կանոն-
ներով սահմանվում էր ծխական դպրոցներում ավանդվելիք

¹ Գ Գ Ազգային արխիվ, /սյսուհետև ՅԱՄ ֆ. 52, ց 8, գ. 52, ք. 43-44:

² Լևոն Սարգսյան, Ժողովրդի կրթության գործը մեզանում, Մոսկվա, 1892, էջ
20:

առարկաները՝ կրոն, հայերեն ընթերցանություն, քերականություն, ռուսաց լեզու, թվաբանություն: Դպրոց կարող էին ընդունվել 7-11 տարվա երեխաները⁶: Այսպիսով, 1868թ. կանոններով ծխական դպրոցները դուրս են գալիս թեմական դպրոցների իրավասություններից և ենթարկվում են իրենց հոգաբարձուներին: Այդ բարեփոխումներով մեծապես բարելավվեց ուսուցումը ծխական դպրոցներում:

Դպրոցական ուսման կազմակերպման հաջորդ տեսակը հոգևոր դպրոցն էր: Այս դպրոցը կարծես թե ծխականի շարունակությունն էր կազմում և ավելի շատ դիտելիքներ էր տալիս: Դրանք ունեին 3 – 5 հիմնական դասատուներ, իսկ ուսման ամբողջ ընթացքը տևում էր 6-8 տարի: Հոգևոր դպրոցներում բացի ծխական դպրոցների ծրագրերից դասավանդում էին նաև հայոց, ռուսաց և ընդհանուր պատմություն, աշխարհագրություն, դժագրություն, ֆիզիկա: Հետագայում նշանավոր հոգևոր դպրոցները փաստորեն դարձել էին միջնակարգ կրթական ուսումնարաններ: Թեպետև «հոգևոր» էին կոչվում, սակայն ավելի շատ աշխարհիկ բնույթ ունեին: Նշանավոր հոգևոր դպրոցներ կային Ալեքսանդրապոլում, Ախալցխայում, Ախալքալախում⁷: Ռուսաստանի տարժքում, հայկական գաղթավայրերում դպրոցների այս տիպը տարածում չգտավ:

1869թ. Գևորգ Դ. կաթողիկոսն ընդունեց թեմական դպրոցների կանոնադրությունը⁸: Թեմական դպրոցներն ընդունելու էին ծխական դպրոցների ավարտողներին: Նրանք ունենալու էին 3 դասարան: Դասավանդող առարկաների թվում ավելացվում էին աշխարհաբար և գրաբար շարագրություն, հայ գրականություն, աշխարհագրություն, ճարտասանություն, Ֆրանսերեն: Այստեղ ևս ամրապնդվում էր հոգաբարձուների դերը, որի նախագահը պետք է լիներ թեմական առաջնորդը: Թեմական դպրոցների նյութական մի-

⁶ Վահե Երկանյան, Պաքար հայկական նոր դպրոցի համար ԱՄՊրկովկասում, Երևան, 1970, էջ 35-38:

⁷ Նույն տեղում, էջ 46-50:

⁸ «Արարատ», 1869, հատ. Ժ, էջ 141-146:

Ջոցները գոյանում էին հիմնականում թեմի եկեղեցիների գումարներից:

Ռուսաստանի հայկական գաղթավայրերի միակ դպրոցի՝ Նոր Նախիջևանի թեմականի պահպանման համար դեռևս - հիմնադրման ժամանակ վիճակավոր Մակար արքեպիսկոպոսը սահմանել էր թեմի 38 եկեղեցիների ու վանքերի յուրաքանչյուրի տարեկան վճարելիք գումարի չափը: Ստացվող գումարի կեսը բաժին էր ընկնում Նոր Նախիջևան քաղաքի վեց և հինգ հայկական գյուղերի եկեղեցիներին: Զգալի էին Պետերբուրգից և Մոսկվայից ստացվող գումարները, իսկ մյուս եկեղեցիների մուծումները չնչին գումար էր կազմում:

* * *

Ռուսական կայսրությունում բնակություն հաստատած հայերի շրջանում առաջին դպրոցներն երևան եկան հենց 18-րդ 80-ական թվականների սկզբներին Պետերբուրգի նշանավոր գործիչ Մարգար Մանուչարյանի նախաձեռնությամբ Աստրախանում կազմակերպվում է մասնավոր ուսումնարան: Այստեղ առևտրականների երեխաները սովորում էին գրագիտություն և ստանում այնպիսի գիտելիքներ, որոնք անհրաժեշտ էին առևտրական գործունեության համար¹:

Այդ նույն ժամանակ դպրոցներ էին գործում Նոր Նախիջևանում և նրա մերձակա Սուրբ Խաչ վանքում: Ուշագրավ է, որ ուսահայերի հոգևոր առաջնորդ Հովսեփ Արղունթյանը Պետերբուրգից զգուշացնում էր Ղրիմից գաղթած, բայց դեռևս բնակություն չհաստատած հայությանը, որ քաղաքի և հայկական գյուղերի հիմնադրման ժամանակ եկեղեցիների և վանքի համար ընդարձակ տեղ հատկացնել այնտեղ դպրոց, տպարան հիմնելու համար. «Արդ պատվիրեմ սիրելյացդ իմոց, գրում էր նա 1780թ. ապրիլին, - եթե մինչև մեր այդր դալն քաղաքի ձերոյ տեղն բաժանելոյ լինին 6 եկեղեցւոյ և մեկ վանքի տեղն լինից մերձ դեղոցն. այսքան մեծ լինիցի, որ սա

¹ Տե՛ս Կ.Մ.Գրիգորյան, Արմյանսկայա Կուլտուրնայա Կոլոնիայա Վ Սանկտ-Պետերբուրգե Վ 18-րդ. /«Տեղեկագիր» 1953, նո 9./

բավականացնի դպրատանն, տպագրատան /ընդգծումը մերն է- Վ.Բ./, միաբանից խցերի, բազի և այլ հարկաւորութեանց տեղ ունիցի, որոց մեջն կառուցեալ լինի եկեղեցին և շուրջ զնովաւ վերոհիշեալքն ըստ իւրաքանչիւրոց պատշաճաւոր տեղւոջ, որ լինիցի բարեկրութիւն բաղաքի ձերոյ և յաւիտեանական պարծանք ըստ հաւուր ազգին և Աթուռն մերոյ»¹⁰: 1783թ. նա Հովհաննես Լազարյանին գրում էր, որ դպրոց է կառուցում և Թիֆլիսից քահանա է հրավիրում ուսուցանելու համար¹¹: Շուտով բացվում է դպրոցը: 1780 - ախան թվականների վերջերին բացվում է նաև Ախաչ վանքի դպրոցը: 1791թ. ուռւս - թուրքական պատերազմի հետևանքով որբացած 30 մանուկների հոգևոր առաջնորդը՝ Հ.Արղությանը ուղարկում է ուսուցանելու այնտեղի դործող վարժարանը, ուր արդեն կար 40 աշակերտ¹²: Գաբրիել Պատկանյանը Սուրբ Խաչ վանքի վարժարանը համարում է առաջին հայկական գիշերօթիկ դպրոցը:

18 - րդ դարի վերջերին Նոր Նախիջևան քաղաքում ևս վարժարան է բացվում: Եկատերինա 2-րդ-ին ընդունելու համար հատուկ կառուցված շենքը 1794 թ. կայսրուհու ցանկությամբ նվիրվում է Հ.Արղությանին: Վերջինս այստեղ բացում է հոգևոր դպրոց, որը շենքի առումով կոչվում է «խոնախ»¹³: Հետագայում «խոնախը» վերաշինվում և վերափոխվում է դավառային դպրոցի:

19-րդ դարի առաջին կեսին ծխական դպրոցներ են բացվում մի շարք հայաշատ բնակավայրերում: Անշուշտ դրան պուրահե հիմնվում են նաև մասնավոր դպրոցներ: Այսպես օրինակ հենց զարատկզբին, 1803 թ. Նոր Նախիջևանում դպրոց են բացում Լազարյանները: Այդ նույն տարում դպրոցի ուսուցիչ Հովհաննես Զիրքեղյանը Հովակիմ Լազարյանին

¹⁰ ԳԳԱԱ, ֆ. 54, գ. 2509, ք. 2:

¹¹ ԳԳ Ծեռագրերի գիտահետազոտական ինստիտուտ /այսուհետ

Մատենադարան/, Ծեռագիր նո. 4496, ք. 143:

¹² Նույն տեղում, Ծեռ. նո. 2949, ք. 470:

¹³ ԳԳ գրականության և արվեստի թանգարան, Ե.Շահագիզի արխիվ, մասն 1, գործ 11:

տեղեկացնում էր, որ սովորողների թիվը հասել է 20-ի և հավաստելով որ շուտով նրանց քանակը կանցնի 40-ից խորհուրդ էր տալիս ուսուցիչների վարձը ամիս առ ամիս անխափան ուղարկել, Լազարյանների անվան հետ կապվող այդ ձեռնարկման հաջողութունը ապահովելու համար: Վերջում քաղաքի հայ հասարակութայն անունից զրվատանքի խոսքեր էր ուղղում Լազարյան եղբայրներին¹⁴:

Տարածում գտած ծխական դպրոցների մի մասը գոյատևում են մինչև վերջ, մինչև խորհրդային կարգերի հաստատումը, մյուս մասը վերափոխվում է առավել լուսավորյալ դպրոցի, իսկ որոշ դեպքերում տարբեր պատճառներով փակվում: Ծխական դպրոցների մասին գաղափար կազմելու նպատակով ծանոթանանք դրանցից երկուսին:

Նոր Նախիջևանում 1811 թ. բացվում է ծխական ուսումնարան, որը բարվոք վիճակում էր և այդ առումով տարբերվում էր քաղաքի մյուս ուսումնարաններից: Դպրոցի 1840 թ. հաշվետվութունից երևում է, որ ուներ երկու բաժին, որոնցից առաջինը նախապատրաստական բնույթ ուներ: Սովորողների թիվը հասնում էր յոթանասուն հոգու, իսկ ուսուցիչներինը՝ չորսի: Դասավանդում էին հայերեն, ռուսերեն, թվաբանութուն, օրենսգիտութուն: Տարվա ընթացքում ուսուցիչը բազմիցս քննության էր ենթարկում աշակերտներին, իսկ տարվա վերջում պատվավոր քաղաքացիների, հոգևորականների ներկայությամբ կազմակերպում էր հրապարակային քննություն:

Դպրոցը տեղավորված էր աղյուսաչեն բարեկարգ շենքի երկրորդ հարկում և պահվում էր գերազանցապես նվիրատվութունների միջոցով: Դպրոցի ներքին կարգ ու կանոնին հետևում էր ուսաց լեզվի և թվաբանության դասատու Միխայիլ Սակունը: Դրանից բացի քաղաքացիների միջից ընտրվում և պետության կողմից հաստատվում էր վստահելի մի

¹⁴ Սատենադարան, Լազարյանների արխիվ, թղթ. 102, վ. 7,9:

հոգի, որը հետևում էր դպրոցի գործերին, նյութական միջոցներ ձեռք բերելու խնդրին¹⁵:

Բնականաբար դպրոցը չէր կարող բավարարել երեխաներին անհրաժեշտ կրթութիւն տալու աճող պահանջը: Հոծ բնակչութիւն ունեցող Նոր Նախիջեանի հասարակութիւնը բազմիցս դիմում է պետական վերադաս ատյաններին դպրոցը վերակառուցելու նոր բարեկարգ ուսումնարանի: Ի վերջո պետական խորհուրդը 1849թ. որոշում է քաղաքում բացել պսպառային ուսումնարան, իսկ ծխական դպրոցը դարձնել զրամկդասյա նախապատրաստական բաժին:

Քիչ ինչում ծխական դպրոց է բացվում 1828 թվականին: Այն անխափան գործում է տեական ժամանակ, մինչև 20-րդ դարի առաջին տասնամյակները: 1912-1913 ուսումնական տարվա տեղեկագրի համաձայն դպրոցը երկսեռ էր, ուներ 3 բաժանմունք, 3 տարվա ուսման գործընթաց և 2 ուսուցիչ: Նրանցից յուրաքանչյուրը դասավանդում էր շարաթական 22-24 ժամ: Պարապում էին կրոն, հայոց լեզու, ռուսաց լեզու, թվաբանութիւն: Աշակերտների թիւը հասնում էր 26-ի: Դպրոցի գործերը տնօրինում էր 7 հոգուց բաղկացած հոգաբարձութիւնը: Ամեն տարի դպրոցի եկամուտներից ավելանում էր 500 – 600 սուբլի գումար, որը հոգաբարձութիւնը ծախսում էր բարեգործական նպատակներով: Բարձր առաջադիմութիւն ունեցող աշակերտներին, որոնց թիւը սակավ էր, պատրաստում էին գիմնազիա ընդունելու և հոգում նրանց կարիքները¹⁶:

Տասիներորդ դարի 60-ական թվականների բարեփոխումները, բուրժուական հարաբերութիւնների զարգացումը, դարի երկրորդ կեսին մեծ չափսերով խթանեցին ուսումնակրթական գործը: Նոր պահանջների ոգով բարեփոխվեցին դպրոցները, ստեղծվեցին տարբեր աստիճանների ու բնույթի կրթական նոր հաստատութիւններ: Ուսումնական օջախների աննախընթաց աճի մասին պատկերացում ունենալու համար

¹⁵ Ոոստովի նստագրիսն պրիսիվ, ք 11, ց. 1, գ. 18, ք 6 - 11

¹⁶ ՀԱԱ, ք. 56, ց 15, գ. 612, ք. 61-64:

նշենք, որ 1875թ. եթև Աստրախանի թեմում կար 15, իսկ նոր Նախիջևանի և Բեսարաբիայի թեմում 26 դպրոց, ապա 1882թ. յոթը տարի անց, այդ թիվը Աստրախանում բարձրացավ 38-ի, իսկ մյուս թեմում՝ 60-ի¹⁷: Այսինքն մի քանի տարվա ընթացքում դպրոցների քանակը ավելի քան կրկնապատկվեց: Ազգաբնակչության շրջանում ամենից ավելի տարածված և նախնական դիտելիքներ հաղորդող ուսումնական հաստատությունը ծխական դպրոցն էր: Այդպիսի դպրոցներ հիմնվեցին ոչ միայն գյուղական վայրերում այլ նաև այնպիսի բնակավայրերում, որտեղ ապրում էին փոքրաքանակ, անգամ 15-20 հայ ընտանիք:

Դարի երկրորդ կեսին գործող ծխական դպրոցները տարբերվում էին նախկիններից թե ղասավանդող առարկաների քանակով ու ծրագրերի ընդլայնման, ուսման տեսողության, մանկավարժների որակավորման և թե դպրոցական կյանքի մյուս պարագաներով:

Աստրախանի թեմում ծխական դպրոցներ բացվեցին հետևյալ տարիներին: Եկատերինոգարում 1863թ., Եղեսիա գյուղում՝ 1866 – ին, Արմավիրում՝ 1869թ. արակն, իսկ 1880-ին օրիորդաց դպրոց, Մոզդոկում՝ 1868թ., Վլադիկովկասում՝ 1870-ին, Սուրբ Խաչում՝ 1874-ին, Պյատիգորսկում՝ 1887թ. և այլն¹⁸:

Ղրիմի թերակղզու հայկական բնակավայրերում ծխական ուսումնարաններ հիմնվեցին Սիմֆերոպոլում 1863թ. խառը երկսեռ դասարաններով 5 և 3-ամյա ուսուցման ծրագրերով, Կերչում՝ 1865-ին, Ղարասուբագարում՝ 1878թ., Հին Ղրիմում՝ 1884-ին և այլն: Միջին Ասիայի բնակավայրերում ծխական դպրոցներն ավելի ուշ բացվեցին: Աշխաբադում՝ 1891 թվին, Մերվում, Կրասնովոդսկում 1905-ին, Ղզըլ-Արվատում՝ 1906, Տաշքենդում, Քերքիում 1910 թվականին:

Նոր Նախիջևանի գաղութի հայկական գյուղերում, բացառյալ Չալդը և Թուփաի /Ղրիմ/ մեծ գյուղերի դպրոցների

¹⁷ Վ. Երկանյան, Ե շված Աշխատությունը, էջ 121, 123:

¹⁸ ՀԱԱ, ֆ. 56, ց. 15, դ. 608, ք. 148, գ. 612, ք. 2-64:



բացման պատկերը հետևյալն էր: Մեծ Սալա գյուղում 1868 թվին հիմնվել էր 6-ամյա արական, իսկ 1893-ին 4 - ամյա իգական դպրոց: Նեավիտայում ծխականը՝ բացվել էր 1874 թվին, Փոքր Սալայում՝ 1885, իսկ Կատերինոսլավում 1887 թվականին¹⁹:

Այս շրջանի դպրոցների մասին կոնկրետ գաղափար կազմելու նպատակով ծանոթանանք դրանցից մեկի հետ: Փոքր Սալա ոչ մեծ գյուղի ծխականը խառը դպրոց էր՝ աղջիկները և տղաները սովորում էին համատեղ, 5 - ամյա ուսուցման ծրագրով: 1912-1913 ուսումնական տարում դպրոցն ուներ 124 աշակերտ, 5 ուսուցիչ և 3 հոգուց բաղկացած հոգաբարձություն: Ուսումն սկսվում էր օգոստոսի 14-ից և վերջանում մայիսի 22-ին: Դասերը սկսվում էին առավոտյան ժամը 9-ին և վերջանում 2-ին: Յուրաքանչյուր դասի տևողությունը 50 րոպե էր: Ուսուցիչներն ունեին կրթական հետևյալ որակավորումը: Նրանցից երկուսը ավարտել էին Նոր - Նախիջևանի թեմական դպրոցը, մյուս երկուսը՝ Գևորգյան ճեմարանը, իսկ հինգերորդը՝ Նոր Նախիջևանի Գողոթյան օրիորդաց գիմնազիան: Ուսուցվող առարկաներով դպրոցը բավականաչափ հագեցված էր՝ կրոն, հայոց և ուսուսաց լեզուներ, թվարանություն, հայոց, ուսուսաց պատմություններ, ընդհանուր աշխարհագրություն, բնական պատմություն²⁰: Ինչպես երևում է բերված օրինակից մի փոքր գյուղի ծխական դպրոցը բարձր վիճակում էր և լայն գիտելիքներ էր տալիս երեխաներին:

Ծխական դպրոցների ուսուցչական կազմը մեծ չէր, սովորաբար ունենում էին 4-6 մանկավարժ, երբեմն նրանց թիվը հասնում էր 8-9-ի: Նրանք կրթական տարբեր որակավորում ունեցող մասնագետներ էին: Մեծ մասը Լազարյան, Գևորգյան ճեմարանների, Ներսիսյան, Նոր Նախիջևանի թեմական դպրոցների, առավել սակավ Երևանի, Շուշու թեմականների, ուսսական տարբեր քաղաքների գիմնազիաների

¹⁹ ՀԱԱ, ֆ. 56, ց 15, գ 611, ք. 1-19:

²⁰ Նույն սեղում, ք. 9-12:

չրջանավարտներ, կրքեմն էլ ուսման ընթացքը կիսատ թողած անձնավորությալ ններ էին:

Անհրաժեշտ է նշել, որ տասիններորդ դարի առաջին կեսին ծխական դպրոցներից զատ հիմնվել էին նաև ավելի բարձր մակարդակի մի շարք ուսումնարաններ: Նոր Նախիջևանում գործում էր Վենետիկում կրթութուն ստացած կաթողիկ Մկրտիչ Եկանյանի ուսումնարանը: Նույն հայաքաղաքում 1837-1845 թվականներին գոյութուն ուներ պատկանյան նշանավոր գերդաստանի ուսյալ մտավորական Գարրիել Պատկանյանի մասնավոր դպրոցը: Տավրիկյան թերակղզու /Ղրիմ/ Ղարասու Բազար քաղաքում ժամանակի գիտուն վարդապետ Մանվել Կյումուշխանեցու նախաձեռնությամբ 1816թ. հիմնվեց դպրոց, որը գոյատեց մինչև 20-րդ դարի սկիզբները: Նույն Կյումուշխանեցու մասնակցությամբ Գրիգորիոպոլում 1807թ. հիմնադրվեց դպրոց: Դարի 20-ական թվականների սկզբներին ուսումնարան բացվեց Ղզլարում և այլն:

Ուսումնական այդ հաստատությունների մեջ առանձնահատուկ տեղ է զբաղեցնում Աստրախանի Աղաբաբյան դպրոցը: Ուսուցչական անձնակազմով, ուսումնական աշխատանքների կազմակերպման և սովորողների գիտելիքների մակարդակով, այն ժամանակի առաջավոր կրթական հաստատությունն էր: Աստրախանի վաճառական Նիկողայոս Աղաբաբյանը 1804թ. հատուկ խնդրանքով դիմում է ուսաց կայրին թույլտվություն ստանալու իր եղբայրների հիշատակը հավերժացնելու նպատակով հիմնել ուսումնարան²¹: 1805թ. լուսավորության նախարարը հայտնում է, որ կայրը տվել է իր համաձայնությունը: Սակայն հարմար ուսուցիչներ հավաքագրելու և այլ պատճառներով դպրոցի բացումը ձգձգվում է

²¹ Ն.Աղաբաբյանը Պարսկաստանի Սպահան քաղաքից 50 տարի առաջ տեղափոխվել էր Ռուսաստան, ընդունել ռուսապատկություն և Աստրախանում զբաղվում էր առևտրով: Նրա երկու եղբայրները մի քանի տարի առաջ վախճանվել էին: Նրանցից յոթաքանյութը թողել էր 15 հազար ռուբլի հաճանակների համար ուսումնարան հիմնելու նպատակով: Նա իր

և միայն 1810թ. ղեկավարներին տեղի է ունենում հանդիսավոր բացումը:

Աղաբաբյան ուսումնարանը որևէ ձևով կապված ու կախված չէր հողերը իշխանութիւնից: Նրա անտեսական մասի կառավարումն իրականացնում էր հիմնադիրը և ապա նրա զավակը, իսկ 1821 թվականից կառավարումն անցնում է պետական իշխանութիւններին: 1838թ. վերակառուցվում է 6 տարվա տեղութային 3 դասարանային դաստիարակչական ուսումնարանի և ամբողջովին ղեկավարվում այդ մասին գործող 1828 թ. մեր կողմից արդեն հիշատակված կանոնադրութեամբ²²: Այդ կանոնադրութեան համաձայն դաստիարակչական ուսումնարանները բացվում էին հատկապես առևտրականների, արհեստավորների և քաղաքաբնակիների համար: Այդ պատճառով ուսումնական ծրագրերում մտցվում էին համապատասխան առարկաներ:

Դպրոցում դասավանդվում էին, հայերեն և ռուսերեն ընթերցանութիւն և քերականութիւն, կրոն, թվաբանութիւն, աշխարհագրութիւն, հաշվապահութիւն, թարգմանութիւն հայերենից ռուսերեն և ընդհանրապես²³:

Բացառութեամբ կրոնի և հայոց լեզվի մյուս, բոլոր առարկաները դասավանդվում էին ռուսերեն լեզվով: Դպրոցը բացվել էր հայ մանուկների համար և չնչին բացառութեամբ այդպես էլ գոյատևեց մինչև վերջ: Աշակերտների թիվը տատանվում էր 50-ից 150-ի միջև:

Սովորում էին և երթևեկ և գիշերօթիկ եղանակով: Գիշերօթիկ սաների թիվը չէր անցնում 20-ից: Դպրոցը պատրաստում էր առևտրատնտեսական աշխատողներ, պետական ծառայողներ, հաշվապահներ, մաքսային պաշտոնյաներ, թարգմանիչներ:

Աղաբաբյան դպրոցն ուներ համեմատաբար օրակյալ ուսուցչական կազմ, որով էլ հիմնականում պայմանավորված էր

միջոցներից 20 հազար ռուբլի ավելացնելով ցանկանում էր 50 հազար ռուբլով իրականացնել եղբայրների ուխտը:

²² Տե՛ս Մ.Սանթրոսյանի նշված աշխատությունը, էջ 327-337

²³ ՀԱԱ, ֆ 52, ց 5, գ. 9, ք. 59-69:

կրթութեան որակը: Դպրոցի բացման ժամանակ հրավիրվեց ժամանակի գիտուն ու ճանաչված գործիչներից Անրովբե Պատկանյանը, որն ավելի քան տաս տարի, մինչև 1822թ. մանկավարժական արդյունավետ աշխատանք կատարեց: Տարբեր տարիներ ուսումնարանում դասավանդել են նույնպես ճանաչում ունեցող մանկավարժներ:

Աղաբաբյան դպրոցը լինելով ժամանակի բարեկարգ ու բարձր մակարդակի, հարյուր տարի անընդմեջ գործող ուսումնական հաստատություն, հնարավորություն ընձեռեց հայ մանուկներին կրթություն ստանալու և պահպանելու մայրենի լեզուն, ազգային գիրն ու դրականությունը:

* * *

Նոր շրջանի հայկական ուսումնական հաստատությունների պատմության մեջ միանգամայն առանձնահատուկ տեղ է զբաղեցնում Մոսկվայի Լազարյան ճեմարանը: Այն ամբողջ մի դար եղավ հայ իրականության ամենակարևոր գիտակրթական օջախներից մեկը և համակողմանի ու բեղմնավոր գործունեության մեծ հետք թողեց հայ ժողովրդի մշակութի պատմության մեջ:

Ճեմարանը հիմնադրվեց Լազարյան դերդաստանի նշանավոր ներկայացուցիչ, հայ ազատագրական շարժման ճանաչված գործիչ Հովհաննես Լազարյանի /1735-1801թ./ կտակի հիման վրա²⁴: Կտակակատար Հովակիմ Լազարյանը եղբոր թողած գումարին ավելացնում է 200 հազար ռուբլի և նախա-

²⁴Լազարյանները Պարսկաստանի Նոր Ջուղա նշանավոր հայկական գաղութի անվանի վաճառականներից էին: Եղիազար Լազարյանը 18-րդ դ. կեսերին իր ընտանիքով տեղափոխվում է Աստրախան: Մի քանի տասնամյակ անց իր զավակների հետ /Յովհաննես, Մինաս, Յովակիմ/ բնակություն է հաստատում Մոսկվայում: Այստեղ Լազարյան եղբայրները, հատկապես նրանցից ավագը Յովհաննեսը հաջողությամբ զբաղվում են առևտրով, ծեռք են բերում կալվածքներ, հիմնում գործարաններ, հասրություն կուտակում և դառնում երկրի ազդեցիկ մեծահարուստներից մեկը: Նրանք արժանանում են ռուսական կառավարության բարյացակամ ուշադրությանը, ստանում ազնվականության կոչում: 1758թ. Յովհաննես Լազարյանը տեղափոխվում է Պետերբուրգ, առևտրատնտեսական ակտիվ գործունեությամբ ծավալում

պատրաստվում դպրոցի բացմանը²⁵, որը տեղի է ունենում 1815 թվականին:

Լազարյանները սկզբնապես շատ համեստ խնդիր էին դնում իրենց առջև՝ 30-40 հայ երախաների համար կազմակերպել տարրական գիտելիքներ տվող դպրոց: Սակայն դպրոցի բացման հենց առաջին տարիներին սկսեցին հետամուտ լինել ավելի քարձր կարգի ուսումնարան հաստատելուն: Արդեն նպատակահարմար էին տեսնում հայ մանուկներին, ինչպես նաև այլազգի երեխաներին ավանդել այնպիսի գիտելիքներ ու լեզուներ, որոնք անհրաժեշտ են անձնական զործունեության և պետական ծառայության համար: Լազարյանները լավ էին հասկանում արևելյան լեզուների, առհասարակ արևելագիտության նշանակութունը Ռուսաստանի առևտրական և զինանագիտական հարաբերություններում: Հետևաբար հարմար տեսան միավորել ուսումնարանի առջև դրված իրենց ազգային ակնկալիքները պետական բնույթի խնդիրների հետ:

Ուսումնարանն անվանվեց «Արևելյան Լեզուների հայկական ինստիտուտ» կամ ճեմարան: Նրա խնդիրն էր լինել ազգային կրթության կենտրոն, տալ հանրակրթական պատրաստություն ուսումը շարունակելու և պետական ծառայության համար պատրաստել արևելագետ մասնագետներ, զինվանագետներ: 1834թ. ճեմարանը ստանում է երկրորդ կարգի արքունի ուսումնարանների, իսկ մի քանի տարի անց, արքունի գիմնազիաների իրավասություն: 1841թ. ճեմարանում

ռուսական նոր մայրաքաղաքում, բարեկամական հարաբերություններ պահպանելով կառավարական շրջանների հետ:

²⁵ Նոր Նախիջևանի գաղութում իմանալով կտակի մասին քանիցս դիմում են Գովակիմ Լազարյանին նախատեսվող ուսումնարանը Մոսկվայի փոխարեն բացել Նոր Նախիջևանում, որը հայաշատ է, կենտրոնական հարմար տեղում է, կետևաբար ուսումնարանի գործունեությունը առավել արդյունավետ կարող է լինել: Միաժամանակ խոստանում էին ամեն տեսակ օժանդակություն ու հոգացողություն: Անգամ Ներսես Աշտարակեցի մշակել էր բացվելիք ուսումնարանի 12 կետից բաղկացած կանոններ: Այդուհանդերձ նախապատվությունը տրվեց Մոսկվային:

բացվում է հոգևոր բաժին, հայ - լուսավորչական եկեղեցու սպասավորներն պատրաստելու համար²⁶:

Ճեմարանի հոգաբարձու Խ.Լազարյանը և պետական ներկայացուցիչները մշակում են ճեմարանի նոր կանոնադրույթը: Նախկին հինգ դասարանային ուսուցումը վերափոխվում է 8 դասարանային ուսուցման, ուժեղացվում է արևելյան լեզուների ուսումնասիրությունը: Ճեմարանին տրվում է լուսավորության նախարարության լիցենզիայի բոլոր իրավասույթյունները²⁷:

Ճեմարանի ամբողջ պատմության ընթացքում Լազարյանները ջանում էին պահպանել հայկական ուսումնարան լինելու նրա առաքելությունը: Նրանք ամեն կերպ ապահովում էին հայոց լեզվի ու հայագիտության առարկաների դասավանդումը: Լուսավորության նախարարությունն ընդհակառակը, ձգտում էր ճեմարանին զրկել զգալի ոգուց, հավասարեցնել պետական մյուս հաստատություններին: Նախարարության հարկադրումների դեմ պատվար ունենալու նպատակով Լազարյանները ցանկանում են ուսումնարանը դնել նշանավոր պետական գործիչների հովանու տակ: Նրանց միջամտությամբ եփրեմ կաթողիկոսը 1824 թ. դիմում է կայսրին և խնդրում ճեմարանի պրիզիդենտ կամ գլխավոր պետ նշանակել նշանավոր պետական գործիչ կոմս Ալ. Արակչեևին: Այդ խնդրանքը դրական լուծում է ստանում: Մինչև 1827 թ. ուսումնարանը ենթարկվում էր Արակչեևին, ապա նրան մինչև 1844 փոխարինում է ոստիկանության պետ կոմս Բեկենդորֆը: Վերջինիս փոխարինում է պետական խորհրդի նախագահ պեներալ - ատյուտանդ Ալ. Օրլովը: Հետագայում ճեմարանի գլխավոր պետ է դառնում գաղտնի խորհրդական Բուստովը /1861-1870/ և ժողովրդական լուսավորության նախարար

²⁶ Լազարյան ճեմարանի մասին հայերեն և ռուսերեն լեզուներով գոյություն ունի մեծաքանակ գրականություն: Օգտվում ենք այդ աշխատություններից և հանրագիտարանային բնույթ ունեցող գրականությունից: Օգտագործում ենք նաև Պետերբուրգի պետական արխիվում և Երևանի մատենադարանում պահվող, մեր ձեռքի տակ եղած Լազարյանների արխիվի նյութերից:

²⁷ Ս.Սանթրոսյան, նշված աշխատությունը, էջ 346:

Դ.Տոլստոյը /1870-1872/: 1872թ. կանոնադրությամբ վերաց-
վում է գլխավոր պետի պաշտոնը և ճեմարանն անցնում է
լուսավորության նախարարության տնօրինության տակ:

Այդուհանդերձ Լազարյանները մնում են ուսումնարա-
նի հոգաբարձուներ, պահպանվում է նրանց ենթակա վերա-
տեսուչի պաշտոնը և ճեմարանը կարողանում է պահպանել
հայագիտական ուղղվածությունը:

Լազարյան ճեմարանը մյուս ուսումնական հաստա-
տություններից տարբերվում էր ուսման բովանդակությամբ,
դասավանդվող առարկաների քանակով և նպատակային
ուղղվածությամբ: Դասավանդվում էին հայերեն, ռուսերեն,
կրոն, աշխարհագրություն, մաթեմատիկա, ֆրանսերեն, լա-
տիներեն, արաբերեն, պարսկերեն, թուրքերեն, վրացերեն, թա-
թարերեն: Ուսուցանում էին նաև ճարտասանություն, բարո-
յագիտություն, փորձնական ֆիզիկա, բնական պատմություն:
Հոգևոր բաժնի աշակերտները ուսումնասիրում էին սատվա-
ծաբանություն, սուրբ գիրք, եկեղեցու պատմություն, ազատ-
վելով որոշ լեզուներ սովորելու պարտականությունից:
Առևտրական գործունեության պատրաստվողների համար
լրացուցիչ դասընթացներ էին կազմակերպում հաշվապա-
հությունից, ապրանքագիտությունից:

Ուսուցումը կատարվում էր ժամանակի մանկավարժա-
կան առաջավոր մեթոդներով երեխաների տարիքային և ան-
հատական առանձնահատկությունները հաշվի առնելով,
նրանց ինքնուրույնությունն ու ակտիվությունը խթանելով:
Ճեմարանի 1830թ. կանոնադրության մեջ հատուկ նշվում էր,
որ ուսման հիմնական խնդիրը երեխաների ընդունակու-
թյունների բացահայտումն ու զարգացումն է: Բավարար չեն
միայն ուսուցչի բացատրությունները, նա պետք է խթանի
սովորողների ինքնուրույն մտածելու, դատելու ունակու-
թյունները: Ուսուցման սխոլաստիկական ձևերից հեռու մնա-
լու, դրան գործնական բնույթ տալու համար ճեմարանը ու-
ներ ֆիզիկայի, հանքաբանության, դրամագիտության կարի-
նետներ: Լեզուների ուսուցման մեջ կիրառվում էր գործնա-
կան, խոսակցական, կենդանի լեզվին վարժեցնելու եղանակը:

Ավելին, արևելյան լեզուների գործնական իմացութեան մեջ հմտանալու համար որոշ ճեմարանավարտ ուսանողների գործուղում էին համապատասխան երկիր:

Դաստիարակութեան առումով նույնպես ճեմարանը հետևում էր Ռուսաստանում կիրառվող ժամանակի առաջադեմ մեթոդներին: Վերոհիշյալ կանոնադրութեան մեջ հատուկ պահանջ էր դրվում հրեխաներին անձնական օրինակով դաստիարակելու, նրանց թերացումների հանդեպ մեղմ ու համբերատար լինելու մասին: Պատժի թույլատրելի ձևերն էին նկատողութիւնը, ամոթանքը, անկյուն կանգնեցնելը, նախաճաշից դրկելը, անունը սև տախտակում գրելը և այլն: Օրինակելի աշակերտներին խրախուսելու միջոցներն էին դասարանում, ճաշարանում առաջին տեղը հատկացնելը, կրտսեր աշակերտների վրա վերակացու նշանակելը, անունը կարմիր տախտակի վրա գրելը և այլն:

Ուսուցչական որակյալ կազմերով ապահովելու առումով ճեմարանը, մյուս ուսումնական հաստատութիւնների համեմատութեամբ ավելի լավ պայմաններում էր: Ուսումնարանը գտնվում էր կրթական, մշակութային այնպիսի կենտրոնում ինչպիսին Մոսկվան էր և ուներ բավարար նյութական հնարավորութիւններ բարձրորակ մանկավարժներ հրավիրելու համար: Հանրակրթական առարկաների և օտար լեզուների որակյալ դասատուների հարցը հնչողութեամբ լուծվում էր: Դժվար էր հայագիտական առարկաների ուսուցիչների խնդիրը, մանավանդ ճեմարանի գոյութեան սկզբնական տարիներին: Դպրոցը տակավին չբացած, հայագիտական առարկաների դասատուներ հրավիրելու նպատակով, Լազարյանները դիմում են Կոստանդնուպոլիս, Վենետիկի և Վիեննայի Մխիթարյաններին, սակայն որևէ արդյունքի չեն հասնում:

Ճեմարանի հիմնադրման և սկզբնական տարիների համար մեծ հաջողութիւն էր, երբ Հովակիմ Լազարյանի հրավերով Մոսկվա տեղափոխվեց հայ նշանավոր լուսավորիչ, գրող — մանկավարժ Հարութիւն Ալամդարյանը: Նա եղավ ճեմարանի կազմակերպիչներից և հմուտ ուսուցիչներից մեկը

մինչև և Ներսիսյան դպրոց տեղափոխվելը՝ 1824 թվականը: Ճեմարանում հայադիտական, մանկավարժական աշխատանք էին կատարում Աերովբե, Հովակիմ Սալանթյան վարդապետները, Մսեր Մսերյանը, որը քառորդ դար կրոն և գրաբար էր ավանդում: Երկար տարիներ դասախոսել, իսկ 1840-1860թթ. ճեմարանի տեսուչ է եղել նշանավոր հայագետ Մկրտիչ Էմինը: Այնտեղ հիմնական դասախոսներ են եղել Ստեփանոս Նազարյանը, Սմբատ Շահադիզը և շատ այլ անվանի դեմքեր: Դասախոսական կազմը Մոսկվայի, Պետերբուրգի, Եվրոպական երկրների բարձրագույն ուսումնական հաստատություններն ավարտած, սակավ ըացառություն միջնակարգ կրթություն ստացած մանկավարժներ էին:

Աշակերտների հիմնական կազմը բաղկացած էր հայերից ինչպես և ուսաներից, իսկ վրացի և թաթար /ազրբեջանցի/ հերեխաները սակավ էին: Սովորողների թիվը տատանվել է 80-290-ի միջև: Գիշերօթիկ եղանակով էին ուսանում աշակերտություն ղգալի մասը, հատկապես տարբեր վայրերից եկած հայ երեխաները: Ճեմարանում սովորում էին ոչ միայն Ռուսաստանի, այլ թվում Անդրկովկասի այլ անդամ արտասահմանյան երկրների հայ պատանիները: Ամենայն Հայոց Կաթողիկոսի, ինչպես նաև տարբեր կարգի միջնորդությունների միջոցով ընդունվում էին շնորհալի նաև ընչազուրկ հայ երեխաները: Ռուսաց լեզվին տիրապետելու նպատակով նրանց համար բացվում էր նախապատրաստական բաժանմունք:

Իր գոյություն ընթացքում Լազարյան ճեմարանը Կոնստանդնուպոլիսում 2000 – ից ավելի շրջանավարտներ, որոնք դարձան մանկավարժներ, դիվանագետներ, դինվորական, հոգևոր գործիչներ, վաճառականներ, պետական ծառայողներ: Նրանք արդյունավետ աշխատանք են կատարել երկրի հոգևոր և անտեսական կյանքի տարբեր բնագավառներում: Ճեմարանում են կրթություն ստացել մանկավարժներ Գ.Հախավերդյանը, Պ.Շանշյանը, Զ.Մսերյանը, Ա.Բահաթրյանը, Մ.Մազինյանը, արևելագետ – հայագետներ Մ.Էմինը, Կ.Եղյանը, Բ.Պատկանյանը, Գր.Խալաթյանը, Հ.Կուսիկյանը, Խ.Բարանովը, Հ.Գորդլևսկին,

Ա.Կրիմսկին, Բ.Միլլերը, Վ.Մինորսկին և շատ ուրիշներ²⁸։ Այստեղ են ստվորել ականավոր հայ գրողներ Ռ.Պատկանյանը, Գ.Դողոխյանը, Ա.Շահագիրը, Հ.Հովհաննիսյանը, Վ.Տերյանը, թատերական հռչակավոր գործիչներ Կ.Ստանիսլավսկին, Ռ.Սիմոնովը, կուսակցական – պետական ականավոր գործիչ Այ. Մյասնիկյանը և շատ ուրիշներ։

Ճեմարանը ուներ իր սեփական տպարանը, հարուստ գրադարանը։ Այն դարձավ նոր շրջանի գիտակրթական ամենանշանավոր հաստատությունը։ Դասախոս – գիտնականների ծավալած գիտական գործունեությունը, իր հրատարակություններիով ճեմարանը եղավ արևելագիտություն, հայագիտության զարգացման և այդ ուղղությունը կադրեր պատրաստելու անփոխարինելի կենտրոն։ Այստեղ հրատարակվեցին հայ ժողովրդի պատմություն, գրականություն, բանահյուսություն, վերաբերող բազմաթիվ արժեքավոր ուսումնասիրություններ, ժողովածուներ, դպրոցական դասագրքեր, ձեռնարկներ, բառարաններ։

Լավարյան ճեմարանը ծանրակշիռ դեր կատարեց երկու ժողովուրդների հարաբերությունների, հայ ժողովրդին ուսական մշակույթին հաղորդակից դարձնելու, ինչպես և հայ մշակույթը ուսական շրջաններին ծանոթացնելու գործում։

Ռուսական կայսրության տարածքում գործող ուսումնական հաստատություններից նշանավոր է նաև Ղրիմի Թեոդոսիա քաղաքի Խալիբյան ուսումնարանը։ Այն բացվեց 1858թ. Նոր Նախիջևանի մեծահարուստ Արտեմ Խալիբյանի նվիրատվությամբ, թեմի առաջնորդ Գ.Այվազյանի ջանքերով և նրա կազմած նախագծով։ Ռուսումնարանի աշխատանքները գլխավորում էր Այվազյանը, որը մանկավարժական աշխատանքի մեծ փորձ էր ձեռք բերել եվրոպայի այնպիսի մի քաղաքում ինչպիսին Փարիզն էր։ Ռուսումնարանը համարվում էր մասնավոր հաստատություն և չէր ենթարկվում լուսավորության նախարարությանը։

²⁸ А.П.Базиянц, Лазеревский институт восточных языков, Москва, 1959, стр. 3.

Գ.Այվադյանը իր կազմած ուսումնական ծրագրերով ջանում էր նորաստեղծ Հաստատությանը տալ ազգային բնույթ՝ աշակերտներին հաղորդելով միջնակարգ կրթության դիտելիքներ: Դպրոցում ավանդվում էին հայոց, ռուսաց և ֆրանսերեն լեզուներ, թվաբանություն, երկրաչափություն, պատմություն, աշխարհագրություն, կրոն, նկարչություն, գեղագրություն: Հետագայում ավելացվեցին ֆիզիկա և քիմիա առարկաները: Դպրոց էին հրավիրված հիմնավոր դիտելիքներ ունեցող մանկավարժներ: Աշակերտների թիվը տատանվում էր 60 – 90-ի միջև, որոնց մեջ կային նաև ճրիվարժ երեխաներ:

Խալիբյան վարժարանը այն ուսումնական Հաստատություններից էր, որն ուներ իր տպարանը: Սեփական տպարանի առկայությունը հնարավորություն էր տալիս լուծել դասագրքերի, ձեռնարկների հարցը: Դպրոցի տպարանի միջոցով հրատարակ կկան «Այբբենարան», «Թվաբանություն», «Աշխարհագրություն», «Պատմություն միջին դարոց», «Պարտք և իրավունք», «Պատմություն հին ազգաց» և այլն²⁹:

Ցարական իշխանությունը որոշակի հույսեր էր կապում խալիբյան դպրոցի հետ: Նա ծրագրում էր Արևելքի երկրներից հայ պատանիներ բերել ուսումնարան, որոնք ավարտելուց հետո վերադառնալով իրենց երկրները դառնային ռուսական ազդեցության տարածողներ: Այդ նպատակով կառավարությունը տարեկան 11000ռ. նպաստ էր տալիս դպրոցին: Սակայն ռուսական իշխանությունների հույսերը չարդարացան և նա կորցրեց հետաքրքրությունը դպրոցի նկատմամբ: Գեորգ կաթողիկոսը ձգտում էր այն տեղավորել Նոր Նախիջևան և դարձնել թեմական դպրոց: 1870թ. կառավարության հրամանով դպրոցը փակվեց:

Ռուսակազմ կայսրությունում ամենից ավելի խոշոր ու ստվար հայ բնակչություն ունեցող Նոր Նախիջևանի դադարված ժամանակի պահանջները բավարարող կրթական օջախ

²⁹ Տե՛ս Վ.Միքայելյան, Դրիմի հայկական գաղութի պատմություն /1801-1917/, Երևան 1970, էջ 287-305:

չունենք: Տեղի հայ հասարակութունը բազմիցս փորձեր էր կատարել, խնդրամատուց եղև պետական ատյաններին, բայց հարցը արմատական լուծում չէր ստացել: Գավառային ուսումնարանը վերակառուցվեց քաղաքային երկրասոյա ուսումնարանի ապա բարձրագույն նախնական ուսումնարանի, սակայն այն չէր բավարարում կրթութեան նկատմամբ աճած պահանջները:

Գաղութի ընակչութեան կրթութեան, լուսավորութեան հարցում մտահոգ էին նաև հայ մտավորականութեան առաջադեմ ներկայացուցիչները: Հայ ականավոր դրող, հրապարակախոս Միքայել Նալբանդյանը, երբ բարձրացվեց հնդկահայ վաճառական Մասեհ Բաբաջանյանի Նոր Նախիջևանի կտակած գումարները տնօրինելու հարցը, առաջարկում էր. «Հիմնելու մի այնպիսի բարեկարգ դպրոց, որ առաջինը լիներ, և տասը տարու մեջ ամենայն հայ մարդ պարծանքով և դմալքով դարձուցաներ յուր աչքը այդ դպրոցի վերա»³⁰: Ազգի լուսավորութեան մեջ նրա ապագան տեսնող և դրա ջատագով հասարակական գործիչ, հրապարակախոս Ստեփանոս Նազարյանը «Ազգային մայր դպրոց» հիմնելու անհրաժեշտութեան մասին խոսելով գրում էր. «Այս պատճառով մտածում ենք, որ դպրոցի առավել պատշաճավոր տեղն է Նախիջևանը, Դոն գետի վրա, Աղույան, ուրեմն Սև ծովին շատ մոտավոր, իսկ ժողովուրդը բոլորովին հայ և մոտ 20000 հոգի յուր շրջակա գյուղերով»³¹:

1860-ական թվականների բացված ուսումնարանների մեջ առանձնանում է Սուրբ Խաչ վանքում հիմնված ժառանգավորաց դպրոցը: Գևորգ դ կաթողիկոսը 1867թ. ժամանում է Նոր Նախիջևան, ծանոթանում գաղութի կյանքին և անհրաժեշտ դտնում Ա.խաչ վանքում հիմնել ժառանգավորաց դպրոց, որը պետք է պատրաստեր հոգևոր գործիչներ: Նույն տարում կաթողիկոսը հաստատում է նախատեսվող դպրոցի

³⁰ Մ.Նալբանդյան, Երկերի լիակատար ժողովածու, հ. 2, Երևան, 1940, էջ 277:

³¹ «Հյուսիսախալ», 1864, Սո 4, էջ 234

կանոնադրութիւնը¹²: Մարդասիրական ընկերութիւնը հանձն է առնում իր հովանաւորութեան տակ վերցնել դպրոցը: Կանոնադրութեան համաձայն դպրոցը լինելու էր Ամենայն հայոց կաթողիկոսի ընդհանուր և Նոր Նախիջևանի ու Բեսարաբիայի թեմի առաջնորդների անմիջական վերահսկողութեան ներքո:

Հաջորդ տարում բացվում է դպրոցը, որի անօրինութիւնը իրականացնում էր մարդասիրական ընկերութեան հոգաբարձութեան խորհուրդը: Վեցամյա դպրոցում ավանդվում էին հին ու նոր կտակարանի պատմութիւն, եկեղեցու և հայոց եկեղեցու պատմութիւն, թվաբանութիւն, բնագիտութիւն, ռուսաց լեզու, երկրաչափութիւն, գեղագրութիւն, երգեցողութիւն: Թեպետեւ դպրոցը խնդիր ուներ հոգևոր պործիչներ պատրաստել, սակայն դործնականում ավելի աշխարհիկ բնույթ ստացաւ: Նախիջևանի վաճառականները և մյուս դասերի ներկայացուցիչները իրենց զավակներին տեղավորում էին այդ դպրոցում: Շուտով նրանց օրինակին են հետևում հայկական գյուղերի բնակիչները, որոնց մեծ մասը երեխաներին ընդունել էին տալիս որպէս ձրիավարժ սաներ¹³:

Ժառանգավորաց դպրոցը լավ անուն էր վաստակել և նշանակալի դեր կատարեց քաղաքի և հայկական գյուղերի մանուկների կրթութեան գործում:

19-րդ դարի երկրորդ կեսին առաջընթաց կատարվեց նաև աղջիկների ուսման ասպարեզում: Ինչպէս արդեն նշել ենք ծխական դպրոցներում ուսուցումը կազմակերպվում էր երկու եղանակով, աղջիկների և տղաների առանձնացված կամ համատեղ, որը վավերագրերում անվանվում է երկսեռ կամ խառը դպրոց: Դպրոցներում ուսման այս երկու ձևն էլ տարածված էին, բայց գերակշռում էին արական դպրոցները: Այսպէս օրինակ, 1894 / 95 ուսումնական տարում կայրութեան հայկական բնակչութիւն ունեցող բոլոր երկրամասերում

¹² ՀԱԱ, ֆ. 324, ց. 1, գ. 15, ք. 11:

¹³ Նույն տեղում, գ. 12, ք. 4:

/այդ թվում և Անդրկովկասում/ կար 143 արական, 54 իգական և 56 խառը դպրոց³⁴:

Դարի 50-60 ական թվականներից սկսեցին բացվել մասնագիտացված իգական դպրոցներ: 1857թ. Նոր Նախիջևանի քաղաքացի Ա. Պուպովան ստանալով լուսավորության նախարարության Համաձայնությունը բացում է առաջին իգական դպրոցը: Այնտեղ մյուս դպրոցներում դասավանդվող առականներից բացի ուսուցվում էր նաև ձեռագործ, երաժշտություն, պար³⁵:

Մի քանի տարի անց Հարց է բարձրացվում բացելու ավելի բարձր մակարդակի իգական ազգային նոր ուսումնարան: Այդ ցույց էր տալիս իգական սեռի կրթության Հարցում Հայկական գաղութի Հասարակության ողջամիտ վերաբերմունքը: Քաղաքագլուխ Կ. Հայրապետյանը արտահայտում էր Նոր Նախիջևանցիների կարծիքը կանանց ուսում տալու, լուսավորելու Հարցում: «Քանզի անցին գնացին ժամանակն այնօրիկ,- ասում էր նա դպրոցի բացման առիթով,- երբ Հայէին ի վերա կանանց իբրև ի վերա ծառայից: Այժմ ի մերումս մարդասեր դարու լուսավորեալ աշխարհս հայի ի վերա կանանց իբրև ի վերա մարդկան... թող ուրեմն այսուհետև դատերք մեր չպարծին միայն արտաքին փառավոր և շքեղ զգեստուք և ակնակուռ զարդուք իւրեանց... այլ թող պարծի այսուհետև իւրաքանչիւր ոք ի նոցանէ անձնական անձնավորութեամբ իւրով, գիտութեամբ ազգի օգտակար ուսմանց /ընդգծումն իմն է, վ.բ/»³⁶:

Լուսավորության նախարարությունը, ցավոք, մերժում է նոր ուսումնարան բացելու խնդրանքը պատճառաբանելով, որ զործում է Ա. Պուպովայի Համանման դպրոցը:

Սակայն իգական դպրոց բացելու բնակչության պահանջը չէր մարում: Նոր Նախիջևանի նշանավոր վաճառական Մկրտիչ Գոպոյանը իր շարժական ու անշարժ գույքը և մի

³⁴ ՀԱԱ, ֆ 56, ց. 3, գ 314:

³⁵ Ուսաստանի պետական պատմական արխիվ /ՌԴՊԱ/, ֆ 733, ց. 11, ք. 1856, գ. 241, ք. 1-2:

³⁶ «Չամբավաբեդ Ռուսիոյ», 1861, նո. 6:

պատկառելի գումար կտակում է մահից հետո իր անունը կրող իգական դպրոց բացելու համար³⁷:

Կտակի իրականացումը ձգձգվում էր: Միայն 1877 թ. տոացվում է իրավասու ատյանների վճիռը դպրոցի բացման և այն կայսրուհի Մարիայի հովանավորութան ներքո գտնվող ուսումնարանների կարգը մտցնելու մասին: Սակայն դպրոցի բացումը կատարվում է 1882թ. հանդիսավոր պայմաններում: Կաղմակերպված ցերեկույթում հանդես են գալիս անվանի մանկավարժ Ա.Բահաթրյանը, գրող Ռ.Պատկանյանը³⁸: Վերջինս գրվատելով Մ.Գոգոյանի նախաձեռնությունը, նշում է իգական սեռի կրթութան և դաստիարականություն կարևորությունը և դա համարում ավյալ ժողովրդի կամ նրա առանձին հատվածի քաղաքակիրթ լինելու չափանիշ:

Մ.Գոգոյանի երկհարկանի քարե տանն սկզբնապես բացված ուսումնարանում ընդունվում էին 7-11 տարվա տարբեր դասի պատկանող, գերազանցապես աղքատ ընտանիքների հայ աղջիկներ: Ուսման տևողությունը վեց տարի էր: Դպրոցն ավարտող աշակերտուհիները արտահագուստի համար միանվաղ ստանում էին 150, իսկ գերազանցիկները՝ 200 ռուբլի:

Պետերբուրգի իգական դպրոցների համար 1876 թ. սահմանված ծրագրի մակարդակով ուսումնարանում անցնում էին հայոց և ռուսաց լեզուներ, ընդհանուր, ռուսաց և հայոց պատմություններ, հայկական եկեղեցու պատմություն, թվաբանություն, աշխարհագրություն, բնագիտություն, երգեցողություն, նկարչություն, ձեռագործ, ուղղագրություն: Յան-

³⁷ ՀԱԱ, ֆ. 139, գ. 1627, ք. 3-8: Մ.Գոգոյանը /1796-1865/ առևտրական ընկերություն էր հիմնել Ա.Խալիբյանի հետ: Վերջինիս բարեկամական հարաբերությունների մեջ էր ռուս գրող Ն.Կուկոլնիկի հետ: Կուկոլնիկը հաճախ էր լինում Խալիբյանի մոտ, ուր ծանոթանում ու մտերմանում է Գոգոյանի հետ: Նա խորհուրդ է տալիս Գոգոյանին սեփական միջոցներն օգտագործել բարեգործական – լուսավորական նպատակներով, հիմնել իգական ուսումնարան: Այդ գաղափարը մոտ էր Մ.Գոգոյանի սրտին, մանավանդ իր չորս դստերը մանուկ հասակում մահացել էին և նա մնացել էր անժառանգ:

³⁸ «Սեդու Հայաստանի», 1882, նո. 120:

կայսրոջները կարող էին նաև երաժշտությունն սովորել: Ռուսաստանի պատմությունից և աշխարհագրությունից բացի մյուս բոլոր առարկաններն ավանդվում էին հայերեն³⁹:

Ուսուցչական կազմը ընտրվում էր գերագանցապես իզական սեռից, բայց խիստ ընտրությամբ և միայն բարձրորակ մասնագետներից: Ուսումնարանը կառավարում էր հոգաբարձական խորհուրդը, որի նախագահը լինում էր Նոր Նախիջևանի քաղաքագլուխը: Դպրոցի հիմնադրման և առաջին տարիների գործունեությունը հիմնականում կապվում է հոգաբարձական խորհուրդի նախագահ, քաղաքագլուխ Գ.Սալթիկյանի անվան հետ:

Դոգոյան դպրոցը Նոր Նախիջևանի արդասավոր կյանք ունեցած ուսումնական հաստատություններից էր: Առանց նկատելի տատանումների գոյատևեց պատշաճ մակարդակով և բարի ունուն վաստակեց: Ուսումնարանի նշանակությունն անուրանալի է գաղութի և ոչ միայն նրա իգական սեռի կրթության ու դաստիարակության գործում:

Համանման իգական ուսումնարաններ կային Աստրախանում և հոծ հայ բնակչություն ունեցող այլ քաղաքներում:

* * *

Արդյունաբերության, գյուղատնտեսության, առհասարակ երկրի տնտեսության զարգացումն անհրաժեշտ էր զարձնում աճող սերնդին ոչ միայն հանրակրթական գիտելիքներ տալ, լուսավորել բնակչությանն այլ նաև մասնագետներ պատրաստել տնտեսության տարբեր ճյուղերում աշխատելու համար:

Իր հայրենի Դոնի հայության կենսունակ գոյությունը պահպանելու մեջ մշտապես նախանձախնդիր Ռաֆայել Պատկանյանը տարբեր առիթներով, հատկապես Նոր Նախիջևանի հիմնադրման 100-ամյակին նվիրված հոբելյանական հանդեսների օրերին, քանիցս ղրվատանքով անդրադարձել է գաղու-

³⁹ ՀԱԱ, ֆ. 54, ց. 1, գ. 1665, ք. 1-8:

Թի նախկին բարեկեցիկ վիճակին և այդ հանգամանքը բացատրել ժամանակին նրա ունեցած զարգացած արհեստագործությամբ: «Հայը,- գրում էր նա,- ոչ միայն երեւելի վաճառական է, այլև երեւելի արհեստավոր է, ափսոս, որ մենք արհամարհել ենք այս մեր ազգային արդյունաբեր ընդունակությունը, և նորա բոլոր շահը թողել ենք անգլիացուն, գերմանացուն և հրեաներուն»⁴⁰:

Նույն տեսակետն էին պաշտպանում նրա շատ կուսակիցներ և առաջարկում արհեստագործությունը զարգացնելու, պատանիներին արհեստների մեջ վարժեցնելու համար բացել մասնագիտացված դպրոց: Մեծ գրողը լավ էր հասկանում, որ սխալ կլինեիր երեխաներին հմտացնել միայն արհեստների մեջ, ուստի ծրագրում էր նրանց տալ համապատասխան հանրակրթական գիտելիքներ: 1880թ. Նոր Նախիջևանի և Բեսարաբիայի թեմի առաջնորդ Մակար արքեպիսկոպոսը հաստատում է կանոնադրությունը և նույն տարում էլ բացվում է արհեստավորական դպրոցը:

Ուսումնարանում ծխական դպրոցների ծրագրերից փոքր ինչ բարձր մակարդակով ավանդվում էին կրոն, հայոց և ռուսաց լեզուներ, հայոց պատմություն, երկրաչափություն, դժապրություն, աշխարհագրություն: Կանոնադրության համաձայն աշակերտները պետք է սովորեին բազում արհեստներ, բայց դպրոցը բացելուց հետո հնարավոր եղավ նրանց մասնագիտացնել երեք հիմնական արհեստի՝ փականագործություն, ատաղձագործություն և կոշկակարության մեջ: Օրվա ընթացքում հանրակրթական ատարկաներին հատկացվում էր 3, իսկ արհեստներին՝ 4 ժամ: Դպրոց էին ընդունվում 10-12 տարեկան առողջ ազաները: Դպրոցի կառավարումն իրականացնում էր հինգ հոգուց կազմված հոգաբարձական խորհուրդը:

Շուտով կազմակերպվեցին համապատասխան արհեստանոցներ, ուր մշտապես հրավիրվում էին արհեստին կատարե-

⁴⁰ Սյուլոպ /Ո. Պատկանյան/, Նոր Նախիջևանի հիմնարկության պատմությունը, Թիֆլիս, 1879, էջ 49:

լապես տիրապետող լավագույն մասնագետներ: Այսպես օրինակ, տարիներ շարունակ փականագործություն էր ուսուցանում Ռիզայում, Պետերբուրգում աշխատած գերմանացի նշանավոր մասնագետներ, ատաղձագործություն՝ Մոսկվայի Հատուկ կուրսերում գծագրության դասընթաց անցած, Պետերբուրգի, Բաքվի, ուստովի նշանավոր արհեստանոցներում աշխատած անվանի մի ուսուցիչ⁴¹:

Արհեստի ուսուցումը պարտադիր էր դպրոցի բոլոր աշակերտների համար, բայց յուրաքանչյուրը, սեփական ընտրությամբ, պարտավոր էր սովորել մեկ արհեստ: Աշակերտների քանակը հասնում էր 50-60-ի: Դպրոցի նյութական միջոցները դոյանում էին Ս.Աստվածածին եկեղեցու Հասույթներից, քաղաքային խորհրդարանի նպաստից, ունեւոր աշակերտների ուսման վարձից և նվիրատվություններից, որը կատարվում էր բավականաչափ առատորեն: Ուսումնարանի բացման հենց Հաջորդ տարում Ցարիցինից Հայերի մի մեծ խումբ, և որ ուշագրավ է նաև հրկու ուսուցիչացիներ նվիրաբերում են որոշակի գումար⁴²: Սակայն այդ Հանգամանքը զրույթյունը չէր փրկում: Դպրոցը եղավ այն ուսումնական Հաստատություններից, որն իր գոյության գրեթե ամբողջ ժամանակաշրջանում, հրեք ու կես տասնամյակի ընթացքում, նյութական միջոցների պակաս է զգացել: Եկամուտները Հանրակրթական մյուս Հաստատություններից ավելի էր, բայց ծախսերը և մեծ էին մասնադիտական ուսումը կազմակերպելու և չքավոր ընտանիքի զավակների համար, որոնց թիվը մեծ էր, գիշերօթիկ ուսուցում կազմակերպելու պատճառով:

Արհեստավորական դպրոցն, անշուշտ, դրական գործունեություն ունեցավ պատանիներին գիտելիքներ տալու և հատկապես արհեստներ սովորեցնելու մեջ: Այնուհանդերձ ուսումնարանը այն դերը չկատարեց, որպիսի հույսեր էին կապում հիմնադիրները: Իրավացի չէր լինի այդ Հանգամանքը բացատրել հայ Հասարակության անտարբերությամբ, քա-

⁴¹ ՀԱԱ, ֆ. 11, գ. 13, ք. 21:

⁴² «Մեղու Հայաստանի», 1881, Գո. 151:

նի որ դպրոցի նկատմամբ ուշադրութեամբ ավելի մեծ էր: Բանն այն է, որ արհեստավորական դպրոցի գոյութեամբ համընկնում էր տնտեսական կյանքում արհեստների երկրորդական պլան մղվելու և զարգացող արդյունաբերութեան ճնշման տակ դրա քայքայման ժամանակաշրջանի հետ: Արհեստների մեջ մասնագիտանալը չէր բխում կյանքի հրատապ պահանջներից, ուստի և չէր կարող հաջողութեամբ ունենալ: Խիստ ասած, այն ժամանակավրեպ ձեռնարկում էր:

Տնտեսական կյանքի պահանջներն ավելի լավ ու ճիշտ էին ընկալում և մատաղ սերնդի մասնագիտացման խնդիրներին ավելի ռեալ ու գործնական ուղղութեամբ տալիս Ռ.Պատկանյանի ժամանակակից ուրիշ հայ գործիչներ: Աղքատ հայ երեխաների համար տեխնիկական ուսումնարան բացելու համար վաճառական Ն.Աճեմյանը իր շարժական և անշարժ ամբողջ գույքը հատկացնում է /1888թ./ այդ նպատակին⁴³: Ուսումնարանում հայոց լեզվի և հայկական եկեղեցու պատմութեամբ պարտադիր առարկաներ էին լինելու: Բոլոր առարկաները, բացառութեամբ ուսաց լեզվի, պատմութեան և աշխարհագրութեան ուսուցանվելու էին հայերեն: Մասնագիտական առարկաներից յայն ծրագրերով ավանդվելու էին ֆիզիկա, քիմիա, մեխանիկա, էլեկտրատեխնիկա, շոգեմեքենաներ և այլն⁴⁴:

Կուսակախատարների, քաղաքային խորհրդարանի, եկեղեցական հոգաբարձութեան և պետական վարչական հաստատութեանների միջև սկսվում է զրազրութեանների, ձգձգվող բանակցութեանների անվերջանալի մի գործընթաց: Այդ ամենն այնքան է երկարաձգվում, որ պայթում է առաջին համաշխարհային պատերազմը և ձախողվում է տեխնիկական ուսումնարան հիմնելու Ն.Աճեմյանի խելամիտ նախաձեռնութեամբ:

Ռուսաստանի հայկական շրջաններում հասկանում էին, որ արաագրութեան մյուս գլխավոր ճյուղում գյուղատնտես-

⁴³ ՀԱԱ, ֆ. 55, ց 1, գ 39, ք. 1:

⁴⁴ Նույն տեղում, գ. 261, ք. 41:

սուլթյան մեջ նույնպես անհրաժեշտ է մասնագետներ պատ-
րաստել, երկրագործական աշխատանքները ժամանակի պա-
հանջների մակարդակով վարելու համար: Վաճառական Ն.-
Սարինյանը գումար է հատկացնում /1886թ./ երկամյա երկրա-
գործական դպրոց բացելու համար⁴⁵: Այդ ծրագիրը, ինչպես
նաև նույն նպատակով կատարված Ա.Խոջայանի նախաձեռ-
նությունը տարբեր պատճառներով չեն իրականանում:

* * *

Ռուսական կայսրության ուսումնական հաստատութ-
յունների մեջ Լազարյան ճեմարանից հետո ուսումնակրթա-
կան նշանակալի կենտրոնը Նոր Նախիջևանի թեմական
դպրոցն էր: Նկատելիորեն ուշ հիմնադրված այս դպրոցը կոչ-
ված էր բավարարելու նաև ժամանակի պահանջներին համա-
պատասխան լուսավորյալ դպրոց ունենալու տեղի հայության
պահանջները:

Ինչպես հայտնի է թեմական դպրոցները ծնունդ առան
1836թ. Նիկոլայ Ա-ի կողմից հաստատված «Հայ – լուսավոր-
չական հավատի հոգևոր գործերի կառավարման կանոնա-
դրություն» կամ ինչպես ընդունված է ասել «Պոլոժենիայի»
հիման վրա: Ռուսական կայսրության հայկական եկեղեցա-
կան ողջ համակարգը բաժանվում էր 6 թեմերի, որոնցից եր-
կուսը՝ Նոր Նախիջևանի ու Բեսարաբիայի և Աստրախանի
թեմերը ձևավորվում էին Անդրկովկասից ու Հայաստանից
դուրս, ռուսական տարածքում: Դպրոցական հարցին նվիր-
ված «Կանոնադրության» 7 – ըր բաժնի հոդվածների համա-
ձայն յուրաքանչյուր թեմ ունենալու էր մի հոգևոր դպրոց
սեմինարիա: Այդ հիման վրա թեմական դպրոցներ բացվեցին
Թիֆլիսում և Երևանում /1837թ./, Շուշիում /1838թ./, Շամա-
խիում /1844թ./:

Անդրկովկասի հայկական թեմերում, եթե «Պոլոժենիա-
յից» անմիջապես հետո դպրոցներ հիմնվեցին, ապա բոլև
Ռուսաստանի երկու թեմերում դրանց հիմնումը միանգամայն

⁴⁵ Նույն տեղում, ք. 54, գ. 1824:

այլ ընթացք ստացան՝ հանդիպեց բարձրագույն ատյանների դիմադրութեանը: Աստրախանում թեմական դպրոց այդպես էլ չստեղծվեց, չնայած այդ հարցը բազմիցս արծարծվեց հոգևոր և աշխարհիկ իշխանութույնների շրջանակներում: 1895թ. Աստրախանի հայերը հատուկ ժողովում որոշում են բացել թեմական դպրոց: Թեմակալ Արիստակես եպիսկոպոսը եռանդով գործի անցավ, այդ նպատակով կառուցվեց հատուկ հարմարավետ շենք: Սակայն իշխանութույններն ընդառաջ չգնացին, արգելեցին: Այնտեղ թեմական դպրոցի դերը ինչ որ եղանակով կատարում էր Աղաբաբյան դպրոցը: Նոր Նախիջևանում ոչ միայն թեմական այլև բարձր հիմքերի վրա զբված որևէ կրթական օջախ հիմնադրելու բոլոր փորձերը նույնպես հանդիպում էին կառավարութեան ուսումնական գերատեսչութույնների արգելքներին: Եվ ինչպես նկատեցինք մինչև 1870-ական թվականների վերջերն այդ ասպարեղում որևէ նկատելի առաջընթաց չկատարվեց:

Խալիբյան ուսումնարանը փակվելուց անմիջապես հետո, 1871թ. քաղաքի հայ հասարակութույնը դպրոցի ծախսերը հոգալու պարտավորութեամբ զլմում է հայոց կաթողիկոսին և խնդրում այն փոխադրել Նոր Նախիջևան: Կաթողիկոսը տալիս է իր համաձայնութույնը, պայմանով, որպեսզի ուսումնարանը վերանվանվի թեմական դպրոց և քաղաքն իր վրա վերցնի դպրոցի հոգսերն ու տնօրինութույնը: Նոր Նախիջևանի քաղաքային խորհրդարանը գոհունակութեամբ ընդունում է կաթողիկոսի առաջարկը: Հաջորդ տարում /1874/ կաթողիկոսի կոնդակով թույլատրվում է Նոր Նախիջևանում բացել ծրագրված դպրոցը, դրան հանձնելով խալիբյան ուսումնարանի շենքը, կահկարասիքը և տպարանը⁴⁶:

Նոր Նախիջևանում համապատասխան աշխատանքներ է տարվում դպրոցի բացման ուղղութեամբ: Անգամ հաստատվում է դպրոցի հոգսբարձութույնը, նշանակվում տեսուչը և որոշվում 1875թ. կատարել դպրոցի բացումը: Սակայն Եկատերինոսյավի նահանգապետ Ի. Դուրնովոն արգելում է.

⁴⁶ ՀԱԱ, ֆ 10, ց 1, գ. 19, թ. 9:

պատճառաբանելով, որ չկա բարձրագույն իշխանության կողմից հաստատված կանոնադրություն Գևորգ Գ. կաթողիկոսը դիմում է բարձրագույն ատյաններ դպրոցի կանոնադրությունը հաստատելու համար: Միաժամանակ հոգաբարձությանը առաջարկում է բացել ուսումնական այդ հաստատությունը որպես հոգևոր դպրոց: Կարճ ժամանակում բացվում է Նոր Նախիջևանի հոգևոր դպրոցը, որն ունեցավ ընդամենը հինգ տարվա կյանք⁴⁷:

Ի վերջո 1880թ. Ալեքսանդր I կայսրը հաստատում է թեմական դպրոցի կանոնադրությունը: Հաջորդ տարում կատարվում է դպրոցի բացումը: Նոր Նախիջևանում բարձրորակ դպրոց բացելու գործադրած Չանքերի ժամանակ մշտապես բանավեճ ու տարակարծություններ էր առաջանում ապագա դպրոցի բնույթի, ուղղության հարցի շուրջ: Բնակչության մի մասը նպատակահարմար էր գտնում բացել պիտական ռեալական ուսումնարան, իսկ թեմականի փոխարեն ունենալ հոգևոր դպրոց: Լուսավորության նախարար Դ.Տոլստոյը Նոր Նախիջևանում եղած ժամանակ տվել էր իր համաձայնությունը ռեալական ուսումնարանում հայոց լեզվի և կրոնի ուսուցում մտցնելու մասին, ինչպես այդ արվել էր Լազարյան ճեմարանում⁴⁸: Բնակչության մյուս ավելի մեծ մասը թեմական դպրոց ունենալու տեսակետն էր պաշտպանում: Նրանք էական նշանակություն չէին տալիս այն հանգամանքին, որ թեմական դպրոցն ավարտողները չեն կարող անմիջապես համալսարան ընդունվել: Այդ վեճերն ու տարակարծություններն այնքան ուժեղ էին, որ դրանց արձագանքեցին նշանավոր հայկական թերթերը /«Մշակ», «Մեղու», «Հայաստան»/ և շարունակվեցին անգամ թեմականի կանոնադրությունը հաստատելուց հետո: Մանավանդ որ կանոնադրությունում հստակ չէր ձևակերպված դպրոցի նպատակները: Հպանցիկ նշվում էր, որ դպրոցում միջնակարգ ուսումնարանների ծրագրով ավանդվելու են ընդհանուր գիտություններ՝ բարո-

⁴⁷ Նույն տեղում, ք. 10:

⁴⁸ «Մշակ», 1876, նո 16:

յական և մտավոր կրթութեան արգասավոր քաղաքացիներ պատրաստելու համար:

Սակայն շուտով, թեմական դպրոցի հենց առաջին տարիների գործունեութիւնը հիմք դարձավ մարելու այդ հակասութիւնները: Կյանքի պահանջներին համապատասխան, ինչպես Անդրկովկասի այնպես էլ հատկապես Նոր Նախիջևանի թեմական դպրոցը գործնականում այլ բնութ ստացավ: Այն աստիճանաբար դարձավ բազմակողմանի կրթութիւն տվող, աշխարհիկ սկզբունքներով առաջնորդվող միջնակարգ մի հաստատութիւն:

Թեմական դպրոցը, փաստորեն, ողողութիւն էր տալիս, Դոնի ու Հյուսիսային Կովկասի հայութեան կրթութեան գործին, ինչ որ չափով նաև մտավոր կյանքին: Նրա սաները կյանքի լայն ասպարեզ էին դուրս գալիս և շատ քչերն էին հոգեւոր կոչում ընդունում: Այն դարձավ կյանքի հրատապ հարցերին արձագանքող, հասարակական – քաղաքական իրադարձութիւնների հետ կապված ուսումնական հաստատութիւն:

Դպրոցը լայն ու համակողմանի դիտելիքներ էր տալիս սաներին: Այստեղ ավանդվում էին կրոն /հին և նոր կտակարան, հայ եկեղեցու պատմութիւն, աստվածաբանութիւն/, հայերեն, ռուսերեն, ֆրանսերեն, լատիներեն լեզուներ, թվաբանութիւն, աշխարհագրութիւն, պատմութիւն /հայոց, ռուսաց, ընդհանուր/ մանկավարժութիւն, հոգեբանութիւն, տրամաբանութիւն, բնագիտութիւն, գծագրութիւն, գեղագրութիւն, երգեցողութիւն, մարմնամարզութիւն⁴⁹:

Դպրոցի առաջին տեսուչն էր Ա.Բահաթրյանը: Նրա մահից հետո այդ պաշտոնը վարում էր լեզվաբան Չարիխյանը, իսկ 1903 թվականից երկար տարիներ՝ վաստակաշատ բանասեր ու մանկավարժ Ե.Շահազիզը: Սկզբնական շրջանում դպրոցն ուներ 152 աշակերտ, իսկ 20-րդ դարի սկզբներին այդ թիվը հասավ 250-ի, որի փոքր մասը ձրիավարժ աշակերտներն էին:

⁴⁹ ՀԱԱ, ֆ. 10. ց. 1, գ. 19, թ. 7:

Կանոնադրութեան համաձայն սեմինարիան պահպելու էր թեմի եկեղեցիների, խալիբյան ուսումնարանի շենքի արդյունքներից և աշակերտների ուսման վարձից գոյացող միջոցներով: Դպրոցի հիմնադրման ժամանակ թեմակալ Մակար արքեպիսկոպոսը սահմանեց թեմի 38 եկեղեցիների ու վանքերի տարեկան վճարելիք գումարը, որը կազմում էր 4130 ռուբլի⁵⁰: Հենց այդ ժամանակ պարզվեց, որ այդ աղբյուրներից գոյացող գումարը չի բավարարում դպրոցի պահանջները: Պակասը լրացնելու համար հիմնական աղբյուր դարձան քաղաքային վարչութեան հատկացումները և նվիրատվությունները:

Թեմական այս դպրոցի մասին հատուկ պատկերացում կազմելու համար ծանոթանանք 1890/91 ուսումնական տարվա, արդեն տասնամյա անցյալ ունեցող ուսումնարանի տվյալներին: Դպրոցն ուներ 17 որակյալ ուսուցիչ և իր բժիշկը: Տարվա ընթացքում գումարվել էր 8 մանկավարժական ժողով: Ուսումնական խնդիրներից բացի մանկավարժական ժողովը անդրադարձել ու հանդամանորեն քննարկել էր տարբեր առարկաների համար կազմված նոր դասագրքերի պիտանի լինելու հարցը: Հայոց պատմութեան առաջարկված դասագիրքը փոխարինվել էր Ս. Պալասանյանի հեղինակած գրքով: Դպրոցն ուներ գրադարան, որը կազմակերպվել էր ուսումնարանի բացման ժամանակ՝ հանգանակված գումարներով: 1891թ. գրադարանն արդեն ուներ 900 կտոր գիրք, իսկ դպրոցը՝ լավ կահավորված ֆիզիկայի կաբինետ⁵¹:

Աշակերտների թիվը հասնում էր 210-ի, որոնցից 70-80 սովորողներ ձրիավարժ էին: Դրանցից 32 սաներ պահվում էին բարեգործական ընկերութեան միջոցներով: Սեմինարիան տարեկան ավարտում էր 4 – 6 աշակերտ: 1889/90 ուսումնական տարում ավարտել էին 4 հոգի: Նրանցից Հ. Քեչեկյանը ուսումը շարունակեց արտասահմանում բժշկական մասնագիտութեան գծով և ապագայում եղավ Նրևանի բժշկական ինս-

⁵⁰ Լույն տեղում, ք. 6:

⁵¹ «Արարատ», 1892, էջ 32-37, 46:

տիտուլտի հիմնադիրներից: Նշանավոր գործիչներ դարձան նաև մյուս շրջանավարտները՝ Հ.Բեդեյանը, Ռ.Բերբեյանը և Ռ.Ծուռվիդյանը⁵²:

Դպրոցի տարեկան եկամուտը հասել է 30970 ուրբլու, իսկ ծախսերը՝ 18437 ուրբլու: Եկամուտներից ավելացած 12533ռ. գումարը հոգաբարձությունը մտադիր էր օգտագործել դպրոցի շենքն ընդարձակելու նպատակով: Այդ տարում եկամուտներն ավելանում են ևս մեկ այլ աղբյուրից: Սեմինարիայի հիմնադրման օրերին Սաչերես Դյաչկովը կտակել էր 100 հազար ուրբլի գումար, իր մահվանից հետո այդ դրամագլխի տոկոսներով իր անվան թոշակառու աշակերտներ պահելու նպատակով: 1891թ. նա մահանում է և Մոսկվայի բանկում պահվող նրա կտակած գումարի 5000 ուրբլու հասնող տոկոսներն անցնում են դպրոցին⁵³:

Սովորողների քանակի ավելացմանը հիմնականում խանդավուտ էր այն հանդամանքը, որ թեմական դպրոցի շրջանավարտները չէին օգտվում պետական գիմնազիա ավարտողների իրավունքներից: Նրանք իրավուն չունեին առանց քննության համալսարան ընդունվելու, այն պատճառաբանությամբ թե այտեղ չեն ավանդվում դասական լեզուներ՝ լատիներեն, հունարեն: Գիմնազիաների ծրագրերին համահունչ լինելու նպատակով թեմական դպրոցում մտցված էր լատիներեն լեզու: Չնայած դրան բարձրագույն ատյանները համառորեն թեմականին նման արտոնություն չէին ստիս, այդ պատճառով էլ շատերը գերադասում էին ուսանել գիմնազիաներում:

Այդուհանդերձ լավ պատրաստություն ստանալու շնորհիվ թեմական դպրոցի շրջանավարտների մի մասը կարողանում էր հաջող քննություններ հանձնել և կրթությունը շարունակել արտասահմանի կամ Ռուսաստանի բարձրագույն ուսումնական հաստատություններում: Բավական է նշել, որ 1887 թվականից հետո թեմական դպրոցի 190 շրջանավարտ-

⁵² Նույն տեղում, էջ 38-39:

⁵³ «Նոր դար», 1891, Առ. 25:

ներից 58 հոգի կամ 30 տոկոսն ընդունվել է բարձրագույն ուսումնական հաստատություն⁵⁴:

Դպրոցի շրջանավարտները տեղում, Ղզլարում, Մոզզոկում, Արմավիրում, Հյուսիսային Կովկասի այլ բնակավայրերում, Ղրիմի հայկական բնակավայրերում և այլուր մանկավարժական արդյունավետ աշխատանք էին կատարում: Նրանց մի մասը կրթություն ստանալով կայսրություն կենտրոնական քաղաքներում վերադառնում էին հայրենիք և լուսավորական ու հասարակական բեղմնավոր գործունեություն ծավալում: Դպրոցի շրջանավարտները սերտ կապերի մեջ էին իրենց հարազատ կրթօջախի հետ: Այդ տեսակետից բնորոշ է թեմականի նախկին սան, երգվյալ հավատարմատարի օգնական Դ. Չուբարյանի վարմունքը: Նա դպրոցի տեսուչ Ե.Շահազիզին է ուղարկում 3000 ռուբլի, որով դպրոցին երախտագիտություն փոխհատուցում էր իր ճամյա ուսուցման պարտքը:

«Դեռ աշակերտության նստարանից,- գրում էր նա,- ջերմ ցանկություն եմ ունեցել անպայման պարտահատույց լինել Ձեր խնամքին հանձնված դպրոցին, որի հետ մինչև այսօր կապված եմ մտքի և զգացմունքի ներքին թելերով... Օգտվելով այն նյութական հնարավորությունից, որ ներկայումս ստեղծվել է ինձ համար շտապում եմ գեթ համեստ չափով հատուցել պարտքս»⁵⁵:

Նոր Նախիջևանի թեմական դպրոցում աշխատանքի անցյան ճանաչված ու անվանի շատ մանկավարժներ, որոնք բեղմնավոր գործունեություն ծավալեցին մատաղ սերնդի կրթության ու դաստիարակության գործում: Դպրոցը փաստորեն դարձել էր հարավային Ռուսաստանի հայկական շրջանների հայապահպանության, և կուլտուր - լուսավորական կյանքի ջահակիրը:

* * *

⁵⁴ ՀԱԱ, ֆ 10, ց 1, գ. 114, ք. 25:

⁵⁵ Նույն տեղում, գ. 130, ք. 2:

Ուսման ոլորտում ինչպես Հայաստանում այնպես էլ ուսուսական գաղթավայրերում ցարական իշխանության վարած քաղաքականության հետևանքով լուրջ դժվարություններ առաջացան: Ցարական մեծապետական պաշտոնյաների վարած հակադժային դիրքորոշման հետևանքով 19-րդ դ. վերջերին և 20-րդ դարի սկզբներին ուժգին ճնշումներ, հալածանքներ սկսվեցին հայկական ուսումնական հաստատությունների նկատմամբ:

1885թ. փակվեցին հայկական եկեղեցական – ծխական դպրոցների մեծադուլն մասը: Գոյություն ունեցող 346 հայկական եկեղեցական դպրոցներից փակվեցին շուրջ 290-ը: Մի փոքր դասարից հետո հալածանքները ավելի ուժգին ձևով կրկնվեցին 90-ական թվականներին, մասնավորապես 1897թ. հունիսի եկեղեցիներին, վանքերին կից ուսումնարանների մասին օրենքով: Անհրաժեշտ է նշել, որ կայսրության հայկական շրջաններում /գաղութներում/ օրենքն ավելի մեղմ ձևով էր իրագործվում: Նախ չէր կիրառվում Մոսկվայի, Պետերբուրգի ուսումնարանների և թեմական դպրոցի նկատմամբ: Դրանից դատ փակված դպրոցների քանակն ավելի նվազ էր: 1885թ. եթև վիրահայոց թեմում փակվեց 79 դպրոց, իսկ Երևանի թեմում 102, ապա Աստրախանի թեմում ընդամենը 14 դպրոց⁵⁶:

Առավել խիստ ու դաժան էր 1903թ. հունիսի 12-ի հայ եկեղեցու և ուսումնարանների ամբողջ գույքը և միջոցները պետականացնելու վերաբերյալ օրենքը: Հանրությանը, երբ հայտնի դարձավ այդ օրենքը հայ մտավորականության և հասարակական գրեթե բոլոր խավերում դժգոհության, ընդդիմության լայն շարժում սկսվեց: Ամենուրեք հավաքներ, ժողովներ, ցույցեր էին կազմակերպում, պահանջում չենթարկվել հակահայկական այդ օրենքին: Գործը հասավ նրան, որ կաթողիկոս Խրիմյան Հայրիկը դիմեց կայսրին եկեղեցու գույքի տնօրինումը նախկին վիճակում թողնելու համար:

⁵⁶ Վ.Երկանյան, նշված աշխատությունը, էջ 145-146:

Լ՛նդդիմության ալիք բարձրացավ նաև ոռոսահայ գլխավոր հայաշատ կենտրոններում, որոնց մասին քիչ նյութեր են պահպանվել: Պատկերացում կազմելու համար թեկուզ թուուցիք ծանոթանանք Նոր Նախիջևանում և Սուրբ Խաչ վանքում կատարված դեպքերին: Տեղի իշխանության ներկայացուցիչները սեպտեմբեր ամսին բոլոր հոգևորականներին հրավիրում են ժողովի, ծանոթացնում 1903թ. հուլիսի 12-ի բարձրագույն հրամանին և հորդորում հոժարակամ հանձնել եկեղեցիների ու վանքերի շարժական ու անշարժ ունեցվածքը: Մի քանի օր անց Սուրբ Խաչ է գալիս Նոր Նախիջևանի ոստիկանության լիազորը և պահանջում վանքի եկամուտների վավերագրերը, բայց դիմադրության հանդիպելով հետ է վերադառնում: Իրանից հետո բարձրագույն հրամանը իրադրծելու նպատակով վանք են գալիս ստեղծված հանձնաժողովի 3 անդամները՝ Դոնի գործերի ատամանի տեղակալ Դորրինը, Ռոստով քաղաքի ոստիկանապետը և Նոր Նախիջևանի լիազոր ոստիկանը: Նրանք զննում են վանքը, օժանդակ շինությունները, պարտեզը, ամառանոցը, ծանոթանում եկամուտների մատյանին: Վանքին են թողնում միայն շենքի բակը և երկու հարակից տնակ: Պետականացնում են վանքի 450 դես. վարելահողերը, 10 դես. հողամաս զբաղեցնող բանջարանոցը, 8 դես. տարածք ունեցող պարտեզը և քարհանքերը: Ապա Ռոստով են հրավիրում վանքի վարելահողերի և ունեցվածքի վարձակալներին և խստորեն պատվիրում վարձակալական վճարը այսուհետ մուծել պետական գանձարան:

Նման խստապահանջ միջոցառումներից հետո էլ վանքում այդ հրամանի վերջնական իրագործումը հաշտ ու խաղաղ չի ընթացել: Կատարվել են այնպիսի անհամաձայնություններ, դիմադրություն, որ իշխանությունները վանքի ժառանգավորաց դպրոցի ուսուցիչներ Վահան Տեր-Գրիգորյանին և Նահապետ վարդապետ Նահապետյանին արտաքսել են: Տեղի հայ հասարակությունը անհանգստացած էր և թեմական դպրոցում հուզումներ եղան այն առիթով, որ դպրոցին պատկանող թեոդոսիայի Խալիբյան ուսումնարանի երկհարկանի շենքը՝ նույնպես պետականացնում էին: Նոր Նա-

խիջևանում ևս այնպիսի ուժգին ընդվզումներ եղան, որ վերագաս իշխանությունները անհրաժեշտ համարեցին աքսորել տեղի հոգևոր պետին⁵⁷:

Ռուսական առաջին բուրժուադեմոկրատական հեղափոխությունը հնարավորություն չտվեց ցարիզմին վերջնականապես իրականացնելու հայկական եկեղեցական դուլքը բռնագրավելու և դպրոցները փակելու 1903թ. հունիսի 12-ի օրենքը: Ժողովրդական հուզումները հանգուտացնելու և խաղաղ իրավիճակը վերականգնելու նպատակով 1905թ. օգոստոսի 1-ի կայսերական հրամանագրով վերացվեց 1903թ. օրենքը: Եկեղեցուն վերադարձվեց բռնագրավված դուլքն ու կապիտալը և թույլատրեց վերաբացել եկեղեցական — ծխական դպրոցները: Շուտով ինչպես Կովկասի փոխարքայությունում այնպես էլ Ռուսաստանում բացվեցին փակված դպրոցները:

Սակայն, եթե Անդրկովկասի ծխական դպրոցներում վերականգնվեց նախկին դրությունը, դրանք կրկին անցան հոգևոր իշխանության հովանավորության տակ, ապա ուսսահայ շրջանների նկատմամբ այլ քաղաքականություն տարվեց: Նոր Նախիջևանի ու Բեսարաբիայի և Աստրախանի թեմերի ծխական դպրոցները մնացին լուսավորության նախարարության ենթակայության տակ: Այդ դպրոցները նույնացվեցին պետական տարրական դպրոցների հետ: Տարբերությունն միայն այն էր, որ հայկական դպրոցներում երկու առարկան կրոնը և հայոց լեզուն ավանդվում էր մայրենի լեզվով:

Ազատամտական, ժողովրդագրական դադափարներով տարված ուսանող — երիտասարդությունն, այդ թվում դպրոցների բարձր դասարանների աշակերտությունը հանդես էր գալիս հասարակական այլ անընդունելի, խարաղանելի երևույթների դեմ: Նրանք ընդվզում, պայքար էին մղում առաջին հերթին ուսման գործընթացում տիրող քարացած, բյուրոկրատական մեթոդների դեմ:

⁵⁷ Վ.Բարխոտայան, Նոր Նախիջևանի հայկական գաղութի պատմություն, Երևան, 1985, էջ 234-236:

Այդ նույն Նոր Նախիջևանի և Բեսարաբիայի թեմական դպրոցի աշակերտներից մեկի թաղման ժամանակ չորրորդ դասարանի աշակերտ Գ.Պողոսյանը դամբանական խոսքում խիստ քննադատում է դպրոցում տիրող ուժիմը և դրա վրա հրավիրում հասարակության ուշադրությունը: Մանկավարժական խորհրդի և Հոգաբարձության որոշմամբ նա դպրոցից հեռացվում է: Բարձր դասարանի աշակերտները, ի պաշտպանութուն դասընկերոջ, դասադուլ են հայտարարում: Դպրոցի տնօրինությունը նրանց հեռացնում է դպրոցից և պահանջում ընդունվելու համար խոստովանեն իրենց մեղքերը և անհատական դիմումներ ներկայացնեն: Աշակերտները մերժում են այդ պահանջը: Նրանք ապօրինի են համարում Պողոսյանին հեռացնելը և պահանջում թույլատրել իրենց առանձին կազմակերպություն ունենալ և թերթ հրատարակել⁵⁸:

Ծխականների ժողովը անդրադառնում է այդ հարցին և չի բավարարում աշակերտների պահանջները: Ի Պատասխան այդ քայլի աշակերտ Մ. Դեմիրյանը հրապարակում է հեռացված աշակերտների վճիռը՝ հրաժարվում են դպրոց հաճախել, եթե չընդունվեն բոլոր հեռացվածները: Նա միաժամանակ աշակերտության անունից դիմում է հասարակայնությանը պայքարելու մարդկային տարրական իրավունքները դպրոցի վարչության կողմից ոտնահարելու դեմ:

Ռուսական և հայկական մամուլը սկսում է լայնորեն լուսաբանել թեմական դպրոցի դեպքերը: Հայկական շատ կենտրոններից արձագանքում և իրենց վերաբերմունքն են դրսևորում հասարակական բնույթ ստացած այդ երևույթին: Խարկովից մի շարք մտավորականներ, Ղզլար քաղաքի հայկական դպրոցի մանկավարժական խորհուրդը, թեմականի նախկին սաներ բողոքում են կատարված կամայականությունների դեմ: Գևորգյան ճեմարանի ուսուցիչ Հ. Գենջյանը դպրոցի տնօրինությանը հասցեագրած բաց նամակում գրում

⁵⁸ «Մշակ», 1906, նո 273:

Լր. «Ամբողջ էութեամբ բողոքում եմ ձեր լռնութեան դեմ և պահանջում ամենախիստ հասարակական դատաստան»⁵⁹:

Համերաշխելով Նոր Նախիջևանի աշակերտութեան հետ իրենց բողոքի ճայնն են բարձրացնում Երևանի թեմական դպրոցի աշակերտները: Հեռացված աշակերտների անունից Ա.Համալյանը պատասխանում է Երևանի թեմակիցներին: «Ձեր ընկերական անհապաղ օգնութեանը և բարոյական խրախուսանքները,- գրում էր նա,- մեզ ավելի ևս ամրացրեց մեր դպրոցական բյուրոկրատական վարչութեան հայտարարած կռիւի մեջ ու ավելի ևս հաստատեց մեր այն հույսը, որ ճշմարտութեանը հալածող և ամեն մի սուրբ գաղափար ու մաքուր զգացմունք ոտնատակ անող վարչութեանը կտապալտվի»⁶⁰:

Հայ հասարակութեան ակտիւ միջամտութեանից ահաբեկված Մուշե վարդապետը հոգաբարձութեան անունից զիջումներ կատարելով փորձում էր մեղմել դրութեանը, կանխել ստեղծված հակասութեանների հետագա սրումը, բայց ապարդշուն:

Ի վերջո այդ դեպքերին միջամտում են գեներալ - նահանգապետերը և քաղաքապետի ու ոստիկանութեան միջոցով կարողանում է վերջ տալ մեծ աղմուկ հանած աշակերտական այդ շարժումներին:

Ռուսաստանի տարածքում գտնվող հայկական ուսումնական հաստատութեաններին ազգային նկարագրից զրկելու ցարական իշխանութեան վարած մեծապետական քաղաքականութեանը նկատելի հաջողութեանների չէր հասնում: Դրա հիմնական պատճառն այն էր, որ ուսսահայ ազգային կյանքը ամբողջութեամբ, կրթական ոլորտը մասնավորապես կապված էր Մայր հայրենիքի հետ: Այդ կապերի շնորհիւ արգասավորվում, նոր լիցքեր էր ստանում հայկական դաղթավայրերի ազգային կյանքը:

⁵⁹ «Նոր կյանք», 1906, նո. 22,24:

⁶⁰ Նույն տեղում, նո 25:

Մայր Հայրենիքի հետ ուղևորական գաղթավայրերի կուպերը իրականանում էին համակողմանի: Մի կողմից գրավոր խոսքի՝ հրատարակվող գրականութան, պարբերական մամուլի, դասագրքերի միջոցով: Մյուս կողմից կենդանի շփումների միջոցով: Նման շփումները իրականանում էին հորեկանական հանդեսների, մտավորականութան ճանաչված դեմքերի փոխացելու թյունների, առևտրատնտեսական կապերի և այլ ձևով: Ամենայն հայոց կաթողիկոսները ուսաց մայրաքաղաք մեկնելու առիթով մշտապես այցելում էին հայաշատ բնակավայրերը, ծանոթանում տեղի հայութան և արտաքինը, հետաքրքրվում ուսումնամշակութային կյանքով:

Հայրենի երկրի հետ կենդանի կապեր էին պահպանվում նաև ուղևորների մեջ արմատավորված կրոնական մի սովորություն: Նրանց մեջ տարածված էր էջմիածին, Երուսաղեմ և Մշո Ա. Կարապետ վանք ուխտագնացության գնալը: Ուխտագնացությունը տևում էր մեկ ամսից ավելի ժամանակ: Այն պայմանավորված էր և կյանքի էր կոչվում ոչ այնքան կրոնական մոլեռանդություն, որքան էջմիածնի որպես համահայկական միակ կազմակերպության շուրջը համախմբվելու, հայրենասիրական զգացմունքներ առաջացնելու: Մայր Հայրենիքից արգասավորվելու մտահոգություն: «Ամեն տարի ամառվա ընթացքում, - գրում է ճանաչված մտավորական Խ. Փոքշեյանը, - հայ երիտասարդությունը խոշոր խմբերով, ճիւղերի վրա նստած, ուխտ է գնացել Մշո սուրբ Կարապետի վանքը, ճանապարհին այցելել է Հայաստանի տեսարժան վայրերը և անպատճառ իրենց մայրենի Անիի ավերակները»⁶¹:

Երկաթուղիների և առհասարակ հաղորդակցության միջոցների զարգացումը մեծապես նպաստեց ուսանող երիտասարդության, մշակույթի և այլ ասպարեզների մտավոր գործիչների փոխացելու թյուններին:

19-րդ դարի վերջերից սովորություն էր դարձել դպրոցների ամառային արձակուրդներին բարձր դասարանի աշա-

⁶¹ Խ. Փոքշեյան, Նոր Եւփիզեանի հայ ժողովրդական բանախոսությունը, Երևան 1965, էջ 66:

կերտների ուղեորությունների կազմակերպումը զիպի Հայաստան: Ուսումնական Հաստատությունների ճանաչված մանկավարժները լավ էին հասկանում այդ այցելությունների նշանակութունը: Թեմական դպրոցի տեսուչ Ե.Շահազիզը հետևյալ ձևով է հիմնավորում նման էքսկուրսիաներ կազմակերպելու անհրաժեշտությունը. «նկատված է, - դրում է նա, - որ դպրանոցիս աշակերտները հայրենիքից հեռու, օտարության մեջ ծնված և սնված լինելով, վերացական մի բան են համարում իրենց սովորածները և լավ չեն կարողանում տպավորել իրենց սրտերում Մայր Հայրենիքին վերաբերող ամենաէական և իրական տեղեկությունները:

Ամեն բան իրենց աչքով տեսնելու հնարավորություն տալու, ամեն բան նրանց համար շոշափելի դարձնելու նպատակով շատ ժամանակ դեռ առաջ միտք է հղացել պարբերաբար կազմելու աշակերտական ճամփորդություններ զիպի Հայրենիք, դեպի նրա նվիրական տեղերը, բայց նյութական միջոցների սղության պատճառով դժբախտաբար չէր իրագործվել այդ լավ ու օգտավետ միտքը»⁶²:

Թեմական դպրոցի մի խումբ աշակերտներ 1909թ. այցելում են Հայաստան: Երկու տարի անց ուսուցիչներ Մելիք-Օհանջանյանի և Չաթալյաչյանի գլխավորությամբ թեմականի 22 աշակերտներ մեկնում են Անդրկովկաս: Նրանք անցնում են Թիֆլիս - Սանահին - Հաղպատ - Անի ուղեգծով: Միջնադարյան Հայաստանի հռչակավոր մայրաքաղաք Անիում հանդիպում են ունենում հնագիտական պեղումներ կատարող արչավախմբի հետ: Լսում են արչավախմբի ղեկավար պրոֆ. Ն.Մառի բացատրությունները և Ալեքսանդրապոլ - Էջմիածին - Երևան - Սևան - Թիֆլիս ուղերթով վերադառնում: Ուղեորություն են կատարում նաև Նոր Նախիջևանի իգական դիմնագիււյի սանուհիները և ուրիշ դպրոցների աշակերտներ⁶³:

⁶² ՀԱԱ, ֆ. 55, ց. 1, գ. 1, ք. 73:

⁶³ «Մեր ծայնը», 1908, նո. 30, «գաղութ», 1914, նո. 19:

Համանման էքսկուրսիաներ էին կազմակերպում Ղրիմի, Հյուսիսային Կովկասի, Աստրախանի, Մոսկվայի, Պետերբուրգի աշակերտների համար: Դեպի հայրենիք տարբեր խմբերով ուղևորություններ էին կազմակերպում նաև բարձրագույն ուսումնական հաստատություններում սովորող հայ ուսանողները:

* * *

Դպրոցների բարեհաջող գործունեության հիմնական պայմաններից գլխավորը նյութական միջոցների խնդիրն էր: Ֆինանսական բավարար միջոցներ ունեցող կրթօջախները հնարավորություն էին ստանում բարձրորակ մանկավարժներ հրավիրել, ուսման բարեկարգ պայմաններ ստեղծել, գիշերօթիկ սաներ պահել: Դրան հակառակ քիչ չեն նաև այն դեպքերը, երբ դպրոցը փակվում էր ֆինանսական հնարավորություններ չունենալու պատճառով:

Ռուսահայ դպրոցները Հայաստանի և Անդրկովկասի հայկական ուսումնական հաստատությունների համեմատությամբ ֆինանսական ավելի բարվոք վիճակում էին: Այնտեղի բնակչութունը ապրում էր ավելի բարեկեցիկ կյանքով: Այդ պարագան, անշուշտ, բարերար ներգործություն էր ունենում ուսումնա - լուսավորական ասպարեզի վրա: Ուրիշ խոսքով ռուսահայ շրջանները հնարավորություն ունեին ավելի շատ միջոցներ հատկացնել մանուկների ուսման գործին: Եվ նրանք այդ հնարավորությունները իրացնում, գործի էին վերածում: Նման հարցադրումն ոչ թե հենվում է ընդհանուր, ենթադրությունների այլ փաստական կոնկրետ տվյալների վրա: 1882թ. Անդրկովկասի այդ թվում և Հայաստանի հայկական դպրոցներում սովորողների թիվը հասնում էր 12,321 - ի, որոնց վրա ծախսվում էր տարեկան 328 339 ռուբլի գումար: Ռուսական կայսրության տարածքի հայկական դպրոցների աշակերտների թիվը 4557 էր, իսկ դպրոցների տարեկան ծախսը կազմում էր 234, 560 ռուբլի⁶⁵: Այդ տվյալների համա-

⁶⁴ Տես Վ.Երկանյան, նույն աշխատությունը, էջ 123:

ձայն Անդրկովկասի պայմաններում մեկ աշակերտի վրա տարեկան ծախսվում էր ընդամենը 28 ռուբլի, իսկ ռուսահայ դպրոցներում 52 ռուբլի. այսինքն գրեթե կրկնակի ավելի մեծ գումար:

Այս խնդիրների համակարգում չպետք է անտեսել նաև այն հանգամանքն, որ համատարած ռուսական միջավայրում ազգային ինքնությունն ու նկարագիրը պահպանելու հիմնական գրավականը մանուկներին ազգային կրթության տալը, ազգային ոգով դաստիարակելն էր: Այդ լավ էին հասկանում ռուսահայ շրջաններում և միջոցներ ու ջանքեր էջին խնայում այդ ուղղությամբ:

Հայտնի է, որ ռուսումնական գործին մեծ նպաստ էին բերում և դպրոցներին աստար կանգնում բարեգործական կազմակերպությունները: Հայաստանի և Անդրկովկասի բարեգործական ընկերությունները իրական կյանքի առաջադրած պահանջներից ելնելով օգնություն էին ցույց տալիս ընչազուրկներին, արևմտահայ փախուտականներին, դբազվում ազատասնամ գործունեությամբ: Ուսումնական գործընթացին նպաստելը կազմում էր նրանց առաջ ծառայած խնդիրների միայն մի մասը: Ռուսահայ շրջաններում պատկերն այլ էր, որտեղ բարեգործական ընկերությունները ծնունդ էին առնում հատկապես ռուսումնական նպատակների համար:

Անվանի մանկավարժ լիբերալ գործիչ, Ստեփանոս Նազարյանը զարգացող բուրժուական հարաբերություններում ռուսահայությանը կրթելու, լուսավորելու հատուկ հայեցակարգ էր մշակել: Իր խմբագրած «Հյուսիսամիայլ» ամսագրում հանդես եկավ «Առաջարկություն» ծրագրային հոդվածով: Նա ուշադրություն հրավիրեց այն սլարագայի վրա, որ հայերը գրկված են լուսավորությանը զորավիգ լինող պետությունից, բնակվում են ցրված, աչքի են ընկնում անձնապաշտական գործունեությամբ, հաճախ հնարավորություն չեն ունենում ուսում ստանալու: Ազգի ապագան նրա լուսավորության մեջ տեսնող գործիչը առաջարկում էր միջոցներ հավաքել և Ռուսաստանում մի ընդհանուր ընկերություն ստեղծել:

Այդ ընկերութիւնը կոչված էր լինելու տնօրինել կարիքավոր պատանիներին ուսման տալու, շնորհալի երիտասարդներին արտասահման կրթութեան գործուղելու, հայկական հրատարակութիւններ հիմնելու, ինչպես նաև բարվոքելու հայերի նյութական ու բարոյական կյանքը⁶⁵: Նա գրեց Նոր Նախիջևանի բարեգործական ընկերութեան կանոնադրութիւնը, որը շուտով 1866 թվին հաստատվեց կառավարութեան կողմից:

Բարեգործական այդ ընկերութիւնը կարճ ժամանակում դարձավ կենսունակ ու ճանաչված հաստատութիւններին մեկը և ունեցավ արդյունավետ գործունեութիւն: Կարիքավոր երեխաներին կրթութիւն տալուց զատ, որը կլանում էր հիմնական միջոցները, ընկերութիւնը մասնակցում էր նաև բարեգործական ձեռնարկումների: 1880թ. ընկերութիւնը իր միջոցներով պահում էր 54 սան: Նրանցից հոգևոր սեմինարիայում սովորում էին 29, Հռիփսիմյան իգական դպրոցում 11, իգական պրոգիմնադիտակում 9, արհեստավորական դպրոցում 1, Լազարյան ճեմարանում 2, Պետերբուրգի արվեստագիտական դպրոցում և Մոսկվայի համալսարանում մեկական հոգի⁶⁶: Իսկ 1910թ. նրա միջոցներով ուսանում էին 114 պատանիներ ու երիտասարդներ: Իր գործունեութեան 25 տարիների ընթացքում ընկերութիւնը Ռուսաստանի և արտասահմանի ուսումնական հաստատութիւններում կրթութեան էր տվել 619 սաների⁶⁷: Ավելի համեստ դեր ունեւ «Մարզասիրական ընկերութիւնը», որն իր միջոցները ծախսում էր Ախալվանքի ժառանգավորաց դպրոցը պահպանելու վրա:

Մի խումբ կանանց և օրիորդների նախաձեռնութեամբ 1882թ. ստեղծվում է «Հայուհեաց խնամարար ընկերութիւնը», որը նպատակ ունեւ զբաղվել չքավոր աղջիկների կրթութեան ու դաստիարակութեան գործերով: Նկատի էր առնվում նաև այն հանգամանքը, որ Նոր Նախիջևանում կա-

⁶⁵ «Յոթախաւիայ», 1862, նո. 7, էջ 43-53:

⁶⁶ «Նոր դար», 1888, նո. 99:

⁶⁷ ՀԱԱ, ֆ 54, ց 1, գ. 210, ք. 33:

յին արական սեռի բազում դպրոցներ, իսկ իգական սեռի համար միայն Գոգոյան ուսումնարանը և մեկ պրոգիմնադիա: Ընկերությունը իր վրա էր վերցնում նյութական միջոցների մեծ կարտառություն ունեցող Հռիփսիմյաց օրիորդաց դպրոցի խնամատարությունը:

Բարեգործական մյուս կազմակերպությունների արդյունավետ գործունեությանը հարկ չկա անդրադառնալու, քանի որ բերված օրինակները լիովին ներկայցնում են իրական պատկերը:

Ուսումնակրթական ոլորտին մեծ նպաստ բերեց, կարելի է ասել անտեսված կամ հիմնավոր չուսումնասիրված և գրականության մեջ լուսաբանում չգտած կարևոր մի կազմակերպություն: Այդ Պետերբուրգի և Մոսկվայի եկեղեցիների խորհուրդն էր: Ռուսաստանի հայկական գաղութների ինքնավարությունը մարմնավորում էին, ինչպես նշվեց, մագիստրատները կամ ոսթհաուզները, որոնք ճանաչվում էին պետութայան կողմից: Կայսրության մայրաքաղաքների Մոսկվայի և Պետերբուրգի հայ բնակչությունը այնքան փոքրաբնակ էր, որ նրանց չվերապահվեց ինքնավար այդպիսի կազմակերպություններ ունենալու իրավունք:

Այդուհանդերձ տեղի թեկուզև շատ փոքրաքանակ հայ բնակիչներին ազգային ոգով համախմբելու համար անհրաժեշտ էր ունենալ համայնքային ինչ որ մի օրգան: Եկեղեցին էր մնում հայությանը միավորող և հայրենիքի հետ կապող միակ կազմակերպությունը:

Լապարյանները իրենց կառուցած եկեղեցիների ամբողջ ունեցվածքը թողնում են եկեղեցիներին: 1804թ. բարձրագույն ատյանների որոշմամբ եկեղեցիների կառավարումը տրվում է հայ հասարակութայան կողմից ընտրված հոգաբարձությանը, որը գլխավորում էին Լապարյանները: 1830թ., երբ Նիկոլայ Ա - ի հրամանով ստեղծվեց Նոր Նախիջևանի և Բնասարաբիայի թեմը Մոսկվայի և Պետերբուրգի հայ համայնքները, որոնք մինչ այդ ենթարկվում էին Աստրախանի թեմին, ընդգրկվում են նորաստեղծ թեմի կազմում:

1837թ. Խաչատուր Լազարյանը առաջարկում է մայրաքաղաքների հայկական եկեղեցիների կառավարումը միավորել և դրանց միացնել Լազարյան ճեմարանը: Լազարյանները դառնում են եկեղեցիների և Լազարյան ճեմարանի հոգաբարձու: Խ.Լազարյանը գտնում էր, որ եկեղեցիների եկամուտները անհրաժեշտ է ծառայեցնել կրթության և դիտության զարգացմանը: Եվ փաստորեն այդպես էլ կատարվում էր:

Հետագայում, եկեղեցիների ունեցվածքը, հատկապես Պատերազմում, որը պատկանելի չափերի էր հասնում, կոլեկտիվ եղանակով տնօրինելու նպատակով 1883թ. Մինիստրների կոմիտեն հատուկ որոշում է ընդունում⁶⁸: Այդ որոշման համաձայն հրկու քաղաքներում եկեղեցական խորհուրդներ, որոնք միավորվում են մեկ ընդհանուր խորհրդի մեջ, որի անդամներն ընտրվում են ծխականների կողմից: Եկեղեցական խորհուրդների հոգաբարձուի պաշտոնը ժառանգաբար վերապահվում է Լազարյանների կամ Աբամելիք – Լազարյաններին:

Եկեղեցական խորհուրդը թեպետև անվանապես հոգևոր կազմակերպություն էր, բայց գլխավորվում էր աշխարհիկ անձնավորությունների կողմից: Այս կազմակերպության գործունեությունը այնքան բազմաբնույթ դարձավ և այնպիսի մեծ ծավալներ ընդունեց, որ նրա կազմում ընտրվում էին ճանաչված ու հեղինակավոր մտավորականներ: Տարբեր տարիներ խորհրդի կազմում ընտրվել են Ս. Հարությունյանը, Ք. Պատկանյանը, Կ. Էզովը, Ն. Աղոնցը, Գր. Խալաթյանը, Մ. Բարխուդարյանը և ուրիշ ճանաչված գործիչներ:

Եկեղեցական խորհուրդը դարձավ կրթությունը, լուսավորությունը հովանավորող հիմնական հաստատությունը, ունենալով գործունեություն շատ ընդարձակ դաշտ: Խորհուրդը միջոցներ էր հատկացնում դպրոցական դասագրքեր, քարտեզներ կազմելուն, ինչպես և հայագիտական կարևոր հրատարակություններին, գիտական հետազոտություններին: Հայաստանի Հանրապետության ազգային արխիվի 399 ֆոնդի

⁶⁸ ՌՊՊԱ, ֆ. 821, ց. 7, գ. 181, ք. 197 – 209:

հարուստ վավերագրերը հավաստում են եկեղեցական խորհրդի լուսավորական — կրթական բազմաբնույթ գործունեություն մասին:

Այսպես օրինակ խորհուրդը դնում է Կ.Քասմաջյանի կազմած պատմական Հայաստանի քարտեզներից 100 օրինակ և ձրի առաքում հայկական դպրոցներին: Ֆինանսավորում է Գյուլտ քահանա Աղանյանի «Դիվան հայոց պատմության» մատենաշարի, Երվանդ Լալայանի «Աղզաղբական հանդեսի» հրատարակութունը, Ն.Մառի գլխավորած Անիի սեղանները և համանման այլ աշխատանքներ: Եկեղեցական խորհուրդը միաժամանակ օգնում էր զանազան ձեռնարկումներին, որբանոցներին, փախստականներին, սակայն նրա հիմնական ուշադրությունը և միջոցները ուղղվել են կրթական գործին, մասնավորապես դպրոցական ուսուցմանը:

Ռուսահայ դպրոցների բնականոն ընթացքը պահելը խորհրդի հոգացողության մի մասն, այն էլ փոքր մասն էր կազմում: Նոր Նախիջևանի թեմական դպրոցին օրինակ տարեկան հատկացնում էր 750ռ., բայց որոշ տարիներ անհրաժեշտութուն եղած պարագայում լրացուցիչ տալիս էր մինչև 2000ռ. դրամ /ՀԱԱ, ֆ 399, գ. 1058, թ. 1/: Նույն ձևով նպաստում էր մյուս ուսումնարանների աշխատանքներին:

Դրանից դատ եկեղեցական խորհուրդը հովանավորում էր նաև Անդրկովկասի դպրոցական ուսուցման գործընթացը: Հիշատակենք այս ուղղությամբ նրա կատարած լայնածավալ աշխատանքները բնութագրող որոշ փաստեր: Պետերբուրգի խորհուրդը, որի միջոցները Մոսկվայի համեմատությամբ շատ մեծ էին, այնքան բազմազան ու բազմաքանակ դիմումներ էր ստանում առանձին անհատներից, կազմակերպութուններից նպաստ ստանալու համար, որ խորհրդի անդամ Ն.Ագոնցը հանդես է գալիս հատուկ ծրագրային առաջարկով: Նա գտնում էր, որ խորհուրդը ոչ թե ստացվող բազմաբնույթ դիմումների հիման վրա պետք է իր աշխատանքները կազմակերպի, այլ դպրոցական ուսուցման հարցում առաջնորդի հատուկ ծրագրով: Նրա մտայնամբ ուշադրության կենտրոնում պետք է պահել առաջին հերթին դյուղական դպրոցները:

րը: Անվանի պատմաբանը առանձնացնում է Արցախի, Սյունիքի, Գուգարքի 15 գավառներ և առաջարկում որպեսզի խորհուրդը յուրաքանչյուր գավառում նախապես մեկական աշխարհի դպրոց բացի, որ հնարավոր դառնա մտավոր ուժերը քաղաքից տեղափոխել այդ դպրոցները /ՀԱԱ, ֆ. 399, գ. 145, թ. 1 - 4/:

Ն.Ադոնցի առաջարկած ծրագիրը Հավանություն է դառնում և սկսում է իրականացվել: Թիֆլիսի, Բաքվի բարեգործական ընկերություններն անմիջապես արձագանքում և այդ ձեռնարկմանը օժանդակելու իրենց պատրաստակամությունն են Հաշտնում: Բաքվի Հայոց կուլտուրական միության կրթական մասնաճյուղի անունից միության նախագահ Կոստանդին Խատիսյանը 1908թ. Հատուկ գրությամբ դիմում է Պետերբուրգի եկեղեցական խորհրդին: Նա Հավանություն տալով գյուղերում դպրոցներ բացելու նախաձեռնությանը առաջարկում էր օգտագործել նաև գյուղերի հնարավորությունները և հովանավորների միջոցները՝ դպրոցները պատշաճ մակարդակով պահելու համար: Անհրաժեշտ էր համարում գավառներում բացել նաև գյուղատնտեսական դպրոցներ և Հավաստում իրենց միության աջակցությունը այդ ծրագրերը գործնականում իրականացնելու համար /ՀԱԱ, ֆ. 399, գ. 145, թ. 11-13/:

Այդ նույն ժամանակ խորհրդին է դիմում նաև Թիֆլիսում գործող Կովկասյան Հայոց բարեգործական ընկերության նախագահ Ս. Հարութունյանը: Վերջինս խորհրդին տեղյակ է պահում, որ գավառներում դպրոցական ուսուցմանը նպաստելու նպատակով ընկերությունը մտավորականներից կազմել է մասնախումբ, որը արդյունավետ աշխատանք է կատարում: Նա Հաշտնում էր, որ դպրոցական ուսուցումը ծավալելու հարցում ամենամեծ խոչընդոտը ֆինանսական միջոցների բացակայությունն է: Արդեն երկրորդ տարին է ինչ Պետերբուրգի եկեղեցական խորհուրդը Կովկասի գավառներում դպրոցները բացելու աշխատանքներ է տանում: Բարեգործական ընկերությունը մեծ հույսեր է կապում դրա հետ «ոչ միայն նկատի ունենալով, - գրում էր Ս.Հարութունյանը,-

Պետերբուրգի եկեղեցու միջոցների պատկառելի քանակը, որը դարձնում է նրան մի բացառիկ հիմնարկութուն Հայկական կյանքում, այլև աչքի առաջ ունենալով այն տրամադրութունը, որը տիրում է եկեղեցական խորհրդում» /ՀԱԱ, ֆ. 399, գ. 145, թ. 68/: Նա առաջարկում էր, որ եկեղեցական խորհրդի ծրագրերի գործնական կենսագործումը կատարվի բարեգործական ընկերության միջոցով:

Եկեղեցական խորհուրդը բարեգործական ընկերության միջոցով պահում էր 18 դուղական դպրոցներ, իսկ Բաքվի կուլտուրական միության միջոցով՝ 20 – ից ավելի դպրոցներ: Դրանից զատ Պետերբուրգի եկեղեցական խորհուրդը էջմիածնի Գեորգյան ճեմարանում պահում էր «Լազարյանի» անվան 40 սան, որոնց համար ամեն կիսամյակ առաքում էր 8000 ռուբլի: Խորհուրդը նպաստ էր հատկացնում Շուշու Մարիամյան դպրոցին, Քուլթայիսի նահանգի, Ախալքալաքի, էջմիածնի, Ելիզավետպոլի դավառների բազմաթիվ դպրոցներին:

Եկեղեցական խորհրդի ուսումնական գործում լայն, համահայկական ընդգրկում ունենալը զրսևերվում է ոչ միայն ուսսական կայրության մեջ այլ անգամ Թուրքիայի սահմաններում Արևատյան Հայաստանում ծավալած աշխատանքներով: 1910թ. խորհուրդը նախաձեռնում է Մուշում կրթական հաստատություն հիմնել և այդ նպատակով 5000 ռուբլի է հատկացնում: Նա միաժամանակ 1000 - ական ու գումար է տրամադրում Մշո ս. Կարապետի, Աղթամարի, Վարդա վանքերի, Բաղեչի, Վանի կենտրոնական, Կարինի Սանատարյան վարժարաններին: Ն.Մառի միջոցով, Վանի ուսական կոնսուլի միջնորդությամբ նպաստ է առաքվում է Երամյան դպրոցին⁶⁹: Արևատյան Հայաստանից հոսող զիմուժներն այնքան շատ էին, որ խորհուրդը Կ.Պոլսի պատրիարքին առաջարկում է ստեղծել մի հանձնախումբ, որը համակարգի ստացվող զիմուժները և դրանով իսկ դյուրացնի աշխատանքները:

⁶⁹ ՀԱԱ, ֆ. 399, գ. 1037:

Ուսումնական զործին նպաստում էր նաև ժողովրդավարություն վայելող ու լայն տարածում գտած արվեստի ճյուղերից մեկը՝ թատրոնը: Թատրոնը բնակչությանը հոգևոչ սնունդ տվող, նրա զարգացմանը նպաստող հզոր ուժ էր: Ռ.Պատկանյանը իրավամբ նշում էր, որ թատրոնը հայելու նման արտացոլում է ժողովրդի մտավոր և հոգեկան վիճակը, նրա վարքն ու բարքը:

Ռուսաստանի հայաբնակ շրջաններում սկզբնապես ներկայացումներ էր կազմակերպում Կոստանդնուպոլսից թատերական շրջագայության եկած Թ.Ֆասուլյանի խումբը: Հետագայում, 19-րդ դ. վերջերին և 20-րդ դ. սկզբներին նրան փոխարինեցին Թիֆլիսի, Բաքվի թատերական նշանավոր խմբերը: Պարբերական բնույթ կրող այդ ներկայացումները մեծ տպավորություն ու ազդեցություն էին թողնում բնակչության վրա: Հյուրախաղերի եկած թատերական խմբերի ներկայացումներին մասնակցում էին նաև տեղի բնակչության ներկայացուցիչները, հատկապես դպրոցների ուսուցիչներն ու բարձր դասարանների աշակերտները: Աստիճանաբար տեղերում, այդ թվում խոշոր ուսումնական հաստատություններում կազմակերպվում են սիրողական խմբեր և պարբերաբար ներկայացնում հայ և ռուս հեղինակների դրամաները: Ժամանակի ընթացքում ստեղծվեցին թատերական արվեստ սիրողների ընկերություններ և սիրողական խմբերը վերածվեցին մշտական գործող թատրոնի:

Ռուսահայ շրջաններում թատերական ներկայացումները թարմ շունչ էին հաղորդում, ազգային սովորություններն ու բարքերը ամրապնդում նրանց մեջ: Մամուլի գիր ու գրականության հետ մեկտեղ ազգային լեզվի հարցում կարևոր էր թատրոնի նշանակությունը: Մշտապես մեծ հետաքրքրություն առաջացնող թատերական ներկայացումների միջոցով ունկնդիրների ականջն ընտելանում էր գրական լեզվին: Թատրոնը վիթխարի դրական ազդեցություն ունեցավ հայերեն գրական լեզուն արմատավորելու գործում և դրանով իսկ ազգային լեզվի ուսուցմանը բերեց իր մեծ նպաստը:

Արվեստի այս ճյուղը մեկ այլ առումով, առավել գործնական եղանակով իր նպաստն էր բերում ուսման ոլորտին: Լայն տարածում էր գտել նաև սովորողների, կրիտասարդութայն ուժերով կատարվող ներկայացումներից ստացվող գումարները ուսուցման նպատակով փորձադրելու, մանավանդ օգնելու չքավոր ուսանողներին: Հաճախ տեսնելով, որ սովորողը հնարավորութուն չունի ուսումը շարունակելու հատուկ ներկայացում կամ ցերեկույթ էր կազմակերպում նրան օգնելու համար:

Լազարյան ճեմարանում ևս շատ ընդունված էր ու լայն կիրառում էր գտել սովորողներին օգնելու այս եղանակը: Այսպես օրինակ 1902 թվականին ճեմարանի աշակերտները կազմակերպում են ներկայացում և հաջողությամբ ներկայացնում ուսու հեղինակների գործերը՝ Գուգոլի «Ռեպրիզորը», Պուշկինի «Եվգենի Օնեգինը» /«Մշակ», 1902, նո 12/:

Տարեկան մեկ անգամ Մոսկվայի և Պետերբուրգի հայ ուսանողները կազմակերպում էին ներկայացումներ կամ երաժշտական երեկույթների հօգուտ չքավոր հայ ուսանողների: Այդ միջոցառումներից գոյանում էր 1000 – 2000 ռուբլի գումար, որը միջոցներից զուրկ սովորողների համար բավականաչափ լավ նպաստ էր: Այդ ներկայացումներին ու երեկույթներին ներկա էին լինում նաև մյուս ազգերի ներկայացուցիչները, հատկապես ռուսները և դրանք ձեռք էին բերում նաև հայ ժողովրդի պատմամշակութային կյանքին ծանոթացնելու նշանակութուն:

1893թ. Մոսկվայում, քաղաքի ամենալավ դահլիճներից մեկում հայ ուսանողների ուժերով կազմակերպվում է երեկույթ: Դահլիճն ամբողջովին ձևավորում են հայկական ոճով, իսկ մուտքը զարդարում մեծ ու փոքր մասիսների մեծադիր պատկերներով: Նվագախումբը և երգչախումբը, որը երրորդ տարին է ինչ սիրահոժար ղեկավարում էր Մոսկվայի կոնսերվատորիայի պրոֆեսոր Պ. Կորեչչենկոն, կատարում էին միայն հայկական երգեր: Մամուլը արձագանքեց և լայնորեն լուսաբանեց հաջող անցած երեկույթը: “Русские Ведомости”,

“МОСКОВСКИЕ ВЕДОМОСТИ” թերթերը դրվատալի հոգվածներ տպագրեցին երեկույթի մասին: Նույն գնահատականը տվեց նաև հայկական կենտրոնական մամուլը: «Չպետք է մոռանալ, - գրում էր «Մշակ» թերթի թղթակիցը, - որ այդ երեկույթները Մոսկվայում, բացի իրենց բարեգործական նպատակից ունեն և մի ուրիշ նշանակություն: Նրանք տարուց տարի ավելի ու ավելի են դրավում մայրաքաղաքի այն հասարակութ-յան ուշագրույթունը, որի կարծիքն ու վերաբերումը մեզ համար շատ թակ պետք է լինի: Նրանք միջոց են տալիս շատերին տեսնել հայույթյան պատկերը ավելի համակրելի ձևով, քան թե շատ անգամ տեսնել ու լսել նրա մասին» /«Մշակ», 1893, նո 24/:

Նույն ձևով թերթը նշում է, որ Պետերբուրգում կազմակերպված երեկույթին հաճույքով մասնակցում են ուսաները և ծանոթանում հայ արվեստին, գրականության, հայ մտավոր կյանքին /«Մշակ», 1898, նո 224/:

* * *

Դպրոցների հաջողությունն, ուսուցման արդյունավետությունը մեծապես կախված էր դասագրքերի, ուսումնական ձեռնարկների առկայությունից և որակից: Սկզբնական շրջանում 18-րդ դարի վերջերին, 19 - րդ դարի առաջին տասնամյակներին դպրոցներն ապահովված չէին որակյալ դասագրքերով: Ուսուցման հաջողությունը կախված էր դասատուի ունակություններից: Կային կրոնական դասագրքի դեր կատարող որոշ գրքեր, այբենարաններ, օգտագործվում էր Մ.Չամչյանի քերականությունը:

Ուսումնական ձեռնարկներից ամենից հինը և կարևորը, որով սկզբնավորվում է ուսուցումը, այբենարաններն են: Ռուսահայերի մոտ այբենարաններ, ուսուցման տարբեր ձեռնարկներ ստեղծվեցին հենց հայկական դպրոցների ձևավորման շրջանում: Դրան առանձնահատուկ կարևորություն տալը կախված էր ստեղծված իրավիճակից: Ռուսական միջավայրում բնակություն հաստատած հայկական բնակչույթունը շրջակա միջավայրի հետ հարաբերվելու համար կենսական

անհրաժեշտություն էր իրենց ապաստան տված ժողովրդի լեզուն իմանալը: Դրանից սլակաս կարևոր չէր նրեխոսների ուսման խնդիրը: Ուրիշ խոսքով կյանքի պայմանների թեկզդրանքով հայերի բնակություն հաստատելը և ուսուցման կազմակերպումը համընկան: Դրանով է պայմանավորված այն հանգամանքն, որ դպրոցական ալքբենարաններ, ընթերցարաններ, քերականական, վայելչագրական ձեռնարկներ ստեղծվեցին և հրատարակվեցին գերազանցապես ուսասահայ շրջաններում:

Անշուշտ, նկատի պետք է առնել, որ դրա համար Ռուսաստանում պայմաններն ավելի նպաստավոր էին, քան թե Թուրքիայի և մինչև 19 – ըրդ դարի առաջին երեսնամյակը Պարսկաստանի տիրապետություն տակ գտնվող Արևելյան Հայաստանում:

Տակավին 1788 թ. Պետերբուրգում լույս տեսավ Կլեոպատրա Սարաֆյանի «Գիրք որ կոչի բանալի գիտութեան» արժեքավոր ալքբենարան – ընթերցարան – բառարանը: Ասրաֆյանի ձեռնարկում նախ տրվում է հայերեն բառը, ապա այդ նույնը ռուսերեն տառերով, որից հետո բերվում է ռուսերեն համապատասխան բառը: Հայերենը ռուսերեն տառադարձությամբ տրվում է հայերեն կարգալ չիմացողների համար: Մի քանի տասնամյակ այս գիրքը միակ ձեռնարկն է եղել ինչպես հայերեն, այնպես էլ ռուսերեն սովորելու համար: Նույն թվականին դարձյալ Պետերբուրգում հրատարակվում է Գր. Խալզարյանի երկլեզվյան ռուս – հայերեն «Գիրք որ կոչի Շավիղ լեզուաբիտութեան» ուսումնական ձեռնարկ – բառարանը: Երկու գրքերն էլ հրատարակվեցին Խալզարյան տպարանում⁷⁰:

⁷⁰ Նոր Ջուղայի հայ վաճառական Գրիգոր Խալզարյանը Լոնդոնում հիմնադրում է տպարան և հայ եկեղեցու դավանության մասին մեկ փոքրածավալ գիրք տպագրելուց հոտո 1781թ. այն տեղափոխում է Պետերբուրգ, ուր սկսում է արդյունավետ գործարկվել: 3. Արդությանի ջանքերով տպարանը Պետերբուրգից տեղափոխվում է Նոր Նախիջևան, իսկ 1795 թվականին՝ Աստրախան, որտեղ գործում է մինչև դարի վերջը: Այդ ամբողջ ընթացքում ռուսահայերի հոգևոր առաջնորդի գործուն մասնակցությամբ տպագրվում է 44 գիրք: Դրանք ուսումնական ձեռնարկներ,

Մոսկվայում հրատարակվում են մի շարք ալբերնտրան-ներ, Վարդան Սարկավազի Ալբերնտրանը /1827թ./, Գր. Սու-քիասյանի, Ալբերնք հայոց և ուսաց /1839թ./, Կարապետ Պո-պովի – նախադուռ վարժութեան /1839թ./: Ընթերցարաններից տպագրվում են՝ Սիրովբե վարդապետի – Ծաղիկ գիտութեանց և պէտս դպրոցայ Հայաստանեայց /Մոսկվա, 1819/, Մանվել վարդապետի «Դպրութիւն մանկաց» /Մոսկվա, 1819/, Մանվել վարդապետի «Դպրութիւն Հայաստանեայց» /Մոսկվա, 1821/, Ա.Նուդաբաշեանցի «Գիրք նախակրթութեան հայկական լե-զուի» /Ս.Պետերբուրգ, 1838/, Մկրտիչ Էմինի «Ընտիր հատու-ածք, քաղեալք ի գրոց նախնի և արդի մատենագրաց հայոց ... ի պէտս աշակերտաց Լազարյան ճեմարանի Արևելեան լե-զուաց» /Մոսկվա 1849/:

Հայոց լեզվի, վայելչագրութեան, քերականութեան վե-րաբերյալ դպրոցական ձեռնարկներ են հրատարակում Ս. Սուլթանշահեանցը, Բերուեր և այլ հեղինակներ:

Հաջորդ պատմափուլում, ինչպես նշեցինք, նորանոր վե-րափոխումներ կատարվեցին: 19-րդ դարի կեսերից Հասարա-կական ընդհանուր շարժումը համակեց ողջ գաղափարական կյանքն, այդ թվում նաև լուսավորութեան, կրթութեան ոլոր-տը: Երևան եկան պարբերականներ, աշխույժ ապրեց ուսանո-ղությունն ու համալսարանական կյանքը, գիտութեան ու գրականութեան մեջ զգացվեց թարմ շունչ: «Ընդհանուր շար-ժում,- իրավամբ գրում է Ա.Հովհաննիսյանը,- ընդգրկեց նաև հայ կյանքը: Ուժեղանում էր հայ ուսանող երիտասարդութ-յան հոսանքը դեպի Ռուսաստանի կենտրոնները: Ժողովրդա-կան լուսավորութեան պահանջներին սկսում են ընդառաջել ազգային դպրոցն ու թատրոնը, գրականությունն ու մամու-լը: Նոր գրականութեան, նոր դրական լեզվի խնդիրները

բառարաններ, հայերին ուսաց, իսկ ուսներին հայոց պատմությանը ժանոթացնող աշխատություններ, դավանաբանական գործեր էին: Խաղարյանի տպարանի հիմնումն ու 20 - ամյա գործունեությունը կուլտուր – լուսավորական խոշոր երևույթ էր ոչ միայն ուսահայերի այլև ողջ հայ մշակութային կյանքում: Տես Վ. Բարխուդարյան, Ռուսահայերի առաջին տպարանը, ՊԲՅ, 1967, նո 4:

սկսում են ծեծվել ամենուրեք հենց քաղաքական եռուզեռի այս շրջանում»⁷¹:

Ռուսահայ ուսանողությունը համախմբվել և առանձին օջախներ էր ստեղծել կայսրության կարևոր կենտրոններում՝ Պետերբուրգում, Մոսկվայում, Դորպատում: Ռուսական հասարակական կյանքի և ուսանողության միջավայրում նրանք հաղորդակից էին դառնում ժամանակի առաջավոր գաղափարներին, երիտասարդությանը համակած ընդհանուր շարժմանը: Հայ ուսանողությունը կապված լինելով, իրենց մեծամասնության ծննդավայրի հետ, բնականաբար ջանում էին նպաստել հայ դանդաղածների հասարակական, մշակութային — կրթական առաջընթացին:

Ընդհանուր վերելքը թափանցեց նաև կայսրության ծայրամասային երկրամասերը: Անդրկովկասը դառնում էր հայոց ուսումնադաստիարակչական աշխատանքները համակարգող կենտրոն, սերտորեն կապված լինելով ռուսահայ լուսավորական շարժման հետ:

Հրատարակ եկավ մանկավարժական մամուլը: Հայ եկեղեցու օրգան «Աբարատը», ևս ղգալի տեղ էր հատկացնում նաև դպրոցական — մանկավարժական հարցերին: Տարբեր տարիների ու տարբեր տեղոթությամբ հրատարակվեցին /հիմնականում Թիֆլիսում/ Խորեն Ստեփանի «Հայկական աշխարհ», «Մանկավարժանոց», Վ.Բաստամյանի «Դպրոցը», Հ.Տեր-Հովհաննիսյանի «Մանկավարժական թերթ» ամսագիրը, «Վարժարանը», «Աղբյուր», «Պսակ» և ուրիշ պարբերականներ: Դպրոցի ու մանկավարժության հարցերի քննարկմանը նվիրված պարբերականներ հիմնելու շարժումից դուրս չմնացին ռուսահայ շրջանները: Թեոդոսիայում 1873-1874թթ. հրատարակվեց «դաստիարակ» պատկերազարդ ամսագիրը: Մոսկվայում լույս տեսավ /1892/ կրթության հարցերին նվիրված «Մանկավարժական գրադարան» տարեգիրքը, որը դժբախտաբար շարունակութուն չունեցավ:

⁷¹ Աշ. Դովհաննիսյան, Նալբանդյանը և նրա ժամանակը, գիրք առաջին, Երևան, 1955, էջ 131:

Սկսվեց նախկին սխոլաստիկ ոգին ու մեթոդները դպրոցից դուրս մղելու, նոր դասագրքեր կազմելու լայն շարժում: 1850 - ական թվականներին նոր դասագրքերի ստեղծման գործում աչքի ընկնող դեր կատարեցին նաև Լազարյան ճեմարանը, ապա Պետերբուրգի Հայ ուսանողները: Հետագայում դասագրքերի ստեղծման կենտրոններ դարձան Թիֆլիսը, Շուշին, էջմիածինը:

Հայկական շրջաններում ուսուցման նոր մեթոդների հարցում նախանձախնդիր Պետերբուրգի Հայ ուսանողների հանձնարարութամբ Ս.Մանգինյանը հրատարակեց «Հայերեն կարդալ և գրել ուսուցանելու հրահանգը»: Այդ հրահանգով ուսուցչությանը ծանոթացնում էին հնչական մեթոդին, որով մեծապես արագացվեց ու դյուրըմբռնելի դարձվեց գրասուցումը: Պետերբուրգի Հայ ուսանողական խմբակի ազդեցութամբ, ազգի լուսավորության ջատագով, սպա Մ.Միանսարյանը Հայ դպրոցում առաջին անգամ ներդրեց փձված տետրը: Նա Լալայցիգում տպագրեց և տարածեց իր կազմած Հայերեն վայելչագրության օրինակները⁷²:

Աստիճանաբար մեղմացավ դասագրքի սուր պահանջ գալու դպրոցների պահանջը: Սակայն տանելի վիճակ ստեղծվեց հիմնականում տարրական ուսումնարանների դասագրքերի հարցում: Պակասում էին բարձր դասարանների դասագրքերը և աշակերտները շատ դեպքերում բավարարվում էին ուսուցչի պատմածը գրի առնելով: Համեմատաբար լավ էր դրությունը հայոց պատմության, աշխարհագրության հարցում: Ստ.Պալասանյանի «Պատմություն հայոց» գրքի հրատարակումը /1890/ մեծ չափով բարելավեց ազգային պատմության ուսուցումը:

Ռուսահայ գաղութներում նույնպես աշխատանքներ էին տարվում որակյալ դասագրքեր ստեղծելու ուղղությամբ: Այստեղ հաճախ վեճեր էր առաջանում այն հարցի շուրջը թե հայոց լեզուն դասավանդել տեղական բարբառով թե երեսաներին մեծ մասամբ անհասկանալի գրական լեզվով: Որպես

⁷² Վ. Երկանյան, նույն աշխատությունը, էջ 90-111.

կանոն հաղթում էր բնակչությանը հետզհետե ավելի ու ավելի հասկանալի դարձող գրական լեզվով ավանդելու տեսակետը: Դասագիրք ստեղծելուն այնքան կարևոր նշանակություն էր արվում, որ դրա համար հատուկ մրցույթ էր հայտարարվում: Նոր Նախիջևանի բարեգործական ընկերությունը 5000 մրցանակ էր սահմանել տարրական դպրոցների դասագրքի համար: Մրցույթի պայմաններն էին՝ դասագիրքը գրված լինի ոչ թե փավառաբարբառով այլ գրական լեզվով, նյութը լինի բազմազան և շարադրվի դյուրըմբռնելի ձևով, որպեսզի այն ծառայի թե քաղաքի և թե գյուղերի դպրոցներին⁷³:

Կրթության հարցում դասագրքերից առավել կարևոր դեր ունեւր ուսուցիչը: Հայ իրականություն մեջ այդ թվում նաև Ռուսաստանում ուսումնական հաստատություններին մանկավարժական կազրեր էին մատակարարում Լազարյան ճեմարանը, թեմական դպրոցները, Գևորգյան ճեմարանը, Աղաբաբյան ուսումնարանը: Մանկավարժական աշխատանքների էին լծվում նաև ռուսական դիմնապիսաներ կամ ԲՈՒՀ - նր ավարտած կամ արտասահմանում կրթություն ստացած շատ Հայ երիտասարդներ: Նոր դպրոցի պահանջներին համապատասխան անհրաժեշտ էր նոր որակի ուսուցիչներ պատրաստել: Մանկավարժական մամուլը ահագանգ էր հնչեցնում այդ ուղղությունը: «Մեր ազգային ուսումնարանների համար, - գրում էր Վ.Բաստամյանը, - այս բոպելիս մահու և կենաց խնդիր է լավ պատրաստված վարժապետներ ունենալու խնդիրը»⁷⁴:

Սկիզբ առավ մանկավարժական ժողովներ հրավիրելը, որը դիտվում էր որպես ուսուցիչների դաստիարակման, նրանց որակի բարձրացման լավագույն եղանակ: Ուսուցիչներ պատրաստելու այդ նույն գործընթացը տեղի էր ունենում նաև Ռուսաստանում: «Մշակ» թերթի էջերում բարձրացվում է /1873/ այն հարցը, որ Ղրիմի և Նոր Նախիջևանի դպրոցները չունեն որակյալ ուսուցիչներ և գտնվում են անմխիթար վի-

⁷³ «Յովիվ», 1912, նո 15, էջ 237:

⁷⁴ «Դսրոց», 1875 - 76, նո 6, էջ 217:

ճակում: Հոգիածագիր քաղաքագլուխ Մ.Բայաբանյանը առաջարկում էր դպրոցների միջոցներով կազմակերպել ուսուցիչներին արտասահմանում բարձրագույն կրթութուն տալու հարցը: Բարեգործական կազմակերպութուններին խորհուրդ էր տալիս Լազարյան ճեմարանում, բարձրագույն դպրոցներում սաներ պահելու փոխարեն այդ գումարը ծախսել ուսուցիչներ պատրաստելու նպատակով: Նոր նախիջևանցիներին կոչ էր անում հասնել Սիմֆերոպոլի հայերի օրինակին, որոնք հասուկ ընկերութուն էին հիմնել, որն իր միջոցներով դպրոցների համար պատրաստելու է ուսուցիչներ⁷⁵:

Ի վերջո 1882թ. Թիֆլիսում հրավիրվեց հայոց առաջին ընդհանուր ուսուցչական ժողովը: Ժողովին մասնակցում էին նաև ուսահայ կենտրոններից Ղզլարից, Մոզդուկից, Վլադիկովկասից, Նոր Նախիջևանից, Օդեսայից ժամանձ 7 պատվիրակներ, որոնց թվում էր անվանի մանկավարժ Առաքել Բահաթրյանը: Ուսուցչական ժողովի բացմանը ողջունել և հաջողութուններ էին մաղթել Մոսկվայի 13 հայ ուսանողներ⁷⁶:

Հարկավ 20 օր տևած ժողովի նախագծումների մեծ մասը հետագայում հնարավոր չեղավ իրագործել: Դրանով հանդերձ ժողովի հրավիրումը և ուսուցման բազմաբնույթ հարցերի լայն քննարկումները իսկ հույժ կարևոր երևույթ էր և ցույց էր տալիս թե կրթությանը ինչպիսի վիթխարի նշանակութուն էր տալիս հայ ժողովուրդը:

Մանուկների դաստիարակության ու կրթության նկատմամբ դրսևորված լավագույն վերաբերմունքի արտահայտութուններից է նաև նախադպրոցական դաստիարակության նկատմամբ ունեցած ուշադրութունը: Դպրոցներում կային նախակրթարաններ, ուր երեխաներին գրաճանաչութուն էին սովորեցնում, նրանց նախապատրաստում դպրոցական ուսուցման համար: Այդ այն ժամանակվա պայմաններում ուսուցման ճիշտ եղանակ էր, բայց նախադպրոցական սարիքի

⁷⁵ «Սլավ», 1873, նո 50:

⁷⁶ Հայոց առաջին ընդհանուր ուսուցչական ժողովի պատմությունը, արձանագրեց Հովհաննես Նազարյանը, Թիֆլիս 1883, էջ 12,29:

մանուկները դուրս էին մնում հասարակական դաստիարակության ոլորտից:

Հայ իրականության մեջ նախադպրոցական ուսուցումը կամ մանկական պարտեզների կազմակերպումը կապվում է ուսսահայ շրջանների հետ: Նոր Նախիջևանի քաղաքագլուխ Է.Խլճյանը 1870 ական թվականներին ձեռնարկում է մանկական պարտեզ բացել, բայց հաջողութուն չի ունենում: Ռ.Պատկանյանը խարազանելով նման լավ ձեռնարկմանը խանդարող տղեւո մարդկանց 1878թ. իր տիկնոջ հետ մանկապարտեզ բացելու թույլտվութուն է ստանում: Պատկանյան ամուսինների ջանքերով կարճ ժամանակում բացվում և երկու տարի, մինչև 1881թ. գործում է մանկապարտեզը: Ռ.Պատկանյանը այդ տարիներին դրում է մանկական հոգուն հասկանալի բանաստեղծութունների ու երգերի մի ամբողջ շարք: Դրանցից են՝ «Բազիկ - բազիկ, կարմիր թաթիկ», «Արի դարուն», «Արև, արև դուրս արի», «Ծափը», «ճիւղ ճիւղ» և այլն:

Անդրկովկասում նախադպրոցական դաստիարակության գործը առաջ մղեցին Եվրոպայում և Ռուսաստանում կրթութուն ստացած կին մանկավարժները: Նրանցից Սոֆյա Բաբայանը 1882թ. Թիֆլիսում բացում է առաջին մանկապարտեզը: Հայ անվանի գրող Ղ.Աղայանը ոգեշնչված Բաբայանի այդ քայլով կապվում է նրա հետ և իր իսկ վկայությամբ մանկապարտեզը պատճառ է դառնում, որ ինքը դրանից հետո ամբողջովին նվիրվի մանկական գրականությանը:

Այսպիսով 19-րդ դարում և 20-րդ դարի սկզբներին ուսական կայրութունում բնակութուն հաստատած հայկական շրջաններում ուսումնակրթական ասպարեզը, բնականաբար ընթացել է երկրում կատարվող հասարակական - քաղաքական ընդհանուր փոփոխութուններին ու վարգացմանը համընթաց: Մինչև Արևելյան Հայաստանը Ռուսաստանին միացնելը ուսսահայերի մոտ ուսուցումը կրում էր ուսսաց լեզվին տիրապետելու, ուսսաց պատմությանը ծանոթանալու դրոշմը: Հետագա պատմափուլերում ուսական հասարակական - մշակութային, մանկավարժական առաջավոր մտքի

բարերար ազդեցութիւնը մեծապես կրել և այն նաև Հայաստան ու Հայ իրականութիւնն փոխանցողի դեր է կատարել:

Ռուսահայ շրջաններում ուսուցումը մանուկ սերնդին ընդհանուր կրթութիւնն տալու հետ մեկտեղ ունեցել է իր ինքնութիւնն ու ազգային նկարագիրը պահպանելու միտում, ուղղվածութիւն: Ավելին, դպրոցական ուսուցումն է եղել հիմնական այն լծակը, որի շորհիվ պահպանվել է ազգային ինքնութիւնն ու ոգին: Մայր հայրենիքի հետ բազում թիւերով կապված լինելով կենարար սնունդ ու լիցք է ստացել այստեղից: Սակայն հայրենիքից տարածքով կտրված ռուսական պետութեան մի փոքրիկ մասնիկը կազմելով և ռուսական տարածքում ու միջավայրում կղզիացած լինելով ի զորու է եղել ռուսականը ներառել և այսպես միատեղել, միավորել սեփականի հետ, որ պահպանվել ու անգամ զարգացել է նաև ազգային ուսուցումը, լուսավորական, մշակութային կյանքը:

Ինչպես բուն Հայաստանում այնպես էլ ռուսահայ շրջաններում ուսուցումը կառչած չի մնացել իր դարն ապրած պահպանողական հին մեթոդներից ու ձևերից, մշտապես ընթացել է նոր ժամանակների պահանջներին համաքայլ: Պատահական չէ, որ ռուսական կայսրութիւնում ապրող ժողովուրդների ընդհանուր բնութագիրը ներկայացնող տեղեկատրվական աշխատութիւնում հայերի մասին ասվում է հետևյալը: Ազգային զգացումը նրանց մեջ պահպանվում է շատ ուժեղ եկեղեցու կողմից: Նրանք ունեն նահապետական սովորութիւններ, բայց չեն խուսափում նորից, եվրոպական կրթութիւնից⁷⁷:

Ուսման նկատմամբ առանձնահատուկ վերաբերմունքը, սերը միշտ էլ բնորոշ է եղել Հայ ժողովրդին:

⁷⁷ Алфавитный список народов, обитающих в Российской империи, СПб, 1895, стр. 7.



12

13

14

15

16

17

18

19

20

21

22

23

24

25

26

27

28

ՀԱՄԱՌՈՏ ՈՒՐՎԱԳԻԾ ՌՈՒՍԱԿԱՆ ԿԱՅՄՈՒԹՅԱՆ
ՀԱՅԿԱԿԱՆ ԴՊՐՈՑՆԵՐԻ ՊԱՏՄՈՒԹՅԱՆ
/XVIII ԴԱՐԻ ՎԵՐՋ XX ԴԱՐԻ ՍԿԻԶԲ/

КРАТКИЙ ОЧЕРК ИСТОРИИ АРМЯНСКИХ ШКОЛ
РОССИЙСКОЙ ИМПЕРИИ
/ КОНЕЦ XVIII НАЧАЛО XX ВЕКА /

Տեխնիկական խմբագիր՝

ԳԱՅԱՆԵ ԲՈՐՈՒՅԱՆ

Համակարգչային շարվածքը՝

ՆԱՐԻՆԵ ՄՈՎՍԻՍՅԱՆԻ

Տպագրիչ՝

ԼԵՎՈՆ ՄՈՒՐԱԴՅԱՆ

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

375019, Երևան 19, Մարշալ Բաղրամյան 24⁹

A ¹¹
111344